

四庫全書

子部

欽定四庫全書

太平惠民和劑局方卷八

宋 陳師文等 撰

治雜病

耆婆萬病丸療七種癖塊五種癰病十種注忤七種飛尸十二種蠱毒五種黃病十二時瘧疾十種水病八種大風十二種痿痺并風入頭眼暗漠漠及上氣欬嗽喉中如水雞聲不得卧飲食不作肌膚五藏滯急氣積聚不消

壅閉不通心腹脹滿連及胃背鼓脹氣堅結流入四肢或
腹脹心膈氣滿時定時發十年二十年不差五種下痢瘡
蟲虯蟲寸白蟲諸蟲上下冷熱久積痰飲令人多眠睡消
瘦無力陰入骨髓便成滯疾身體氣腫飲食亟逆腰脚酸
疼四肢沉重不能久行久立婦人因產冷入子藏藏中不
淨或閉塞不通胞中瘀血冷滯出流不盡時時疼痛為患
或因此斷產并小兒赤白下痢及狐臭耳聾鼻塞等病服
此藥以三丸為一劑服不過三劑萬病悉除說無窮盡故

以萬病名之如癰疾未發前服一丸未瘥如前更服

芍藥

肉桂

去粗皮

芍藥

不見火

乾薑

炮

川椒

去目及開口者微炒出汗

防風

去蘆

茯苓

去皮

巴豆

去心膜炒

當歸

去蘆

生犀角

鎊

桔梗

芫花

醋炒赤

人參

去蘆

桑白皮

炒

黃芩

黃連

去鬚

蒲黃

微炒

禹餘糧

醋淬研

前胡

去蘆

大戟

劉炒

葶藶

炒

麝香

研

細辛

去苗

雄黃

研飛

硃砂

研飛

紫苑

去蘆

甘遂

牛黃

研各一兩

蜈蚣

十二節去頭足炙

石蜥蜴

去頭

尾足炙四十

芫菁

二十八枚入糯米同炒候米色黃黑去頭足翅用

右為細末入研藥勻煉蜜為丸如小豆大若一歲已下小兒有疾者令乳母服兩小豆大亦以吐利為度近病及卒病用多服積久疾病即少服常服微瀉利為度卒病欲死服三丸取吐利即差卒中惡口噤服二丸漿一合下利即差五疰鬼刺客忤服二丸男女邪病歌哭腹大如妊身服二丸日三夜一間食服之

蟲毒吐血腹痛如刺服二丸不差更服瘧病未發前
服一丸未差更服諸有痰飲者服三丸冷癖服三丸
日三服皆間食常令微溏利宿食不消服二丸取利
癥瘕積聚服二丸日三服拘急心腹脹滿心痛服三
丸上氣嘔逆胸滿不得卧服二丸不差更服大痢二
丸服日三服疳濕服二丸以一丸如杏仁大和醋二
合灌下部中水病服三丸日再服間食服之差止人
弱即隔日服頭痛惡寒服二丸覆取汗傷寒天行服

二丸日三服間食服之小便不通服二丸不差明日更服大便不通服三丸又內一丸下部中即通耳聾聾耳以綿裹如棗核塞之鼻衄服二丸癰腫下腫破腫內一丸如麻子大日一敷之根亦自出犯疔腫血出以猪脂和塗有孔內孔中差癰瘡以酢泔洗訖取藥和猪脂傅之漏瘡有孔以一丸內孔中和猪脂傅上痔瘡塗綿筋上內孔中日別易差止瘰癧以酢和塗上差癰瘡以布揩令汁出以酢和塗上日一易瘡

止胃背腰脇腫以酢和傅腫上日一易又服二丸諸
冷瘡積年不差以酢和塗之惡刺以一圓內瘡孔中
即瘥蝮蛇螫以少許內螫處若毒入腹心煩欲絕者
服三丸蜂螫以少許傅之差婦人諸疾胞衣不下服
二丸小兒驚癇服一丸如米許以塗乳令吮之看兒
大小加減小兒客忤服一丸如米和乳塗乳頭令吮
之以意量之蝎螫以少許傅之差小兒乳不消心腹
脹滿服一丸如米許塗乳頭令吮之即差

神應丸治腎經不足風冷乘之腰痛如折引背脅俛仰不利轉側亦難或因役用過多勞傷於腎或因寢冷濕地氣傷腰或因墜墮傷損因風寒客搏皆令腰痛並皆治之

葳靈仙

去土二兩

當歸

肉桂

去粗皮各

十兩

右為末以酒煮麵糊為丸如梧桐子大每服十五丸溫酒或煎茴香湯下食前服婦人煎桂心湯下加至

二十丸有孕婦人不得服忌食茗

集效丸治因藏府虛弱或多食甘肥致蛔蠱動作心腹攪痛發作腫聚往來上下痛有休止腹中煩熱口吐涎沫即是蛔蛟宜服此藥若積年不差服之亦愈又療下部有蟲生痔痒痛

大黃

劉炒十兩

木香

不見火

檳榔

乾薑

炮

附子

炮去皮臍

羌活

炒研

鶴蝨

炒

訶梨勒

煨去

核酒浸焙乾
各七兩半

右為末煉蜜為丸如梧桐子大每服三十丸食前橘皮湯下婦人醋湯下

乳香丸治諸痔下血肛邊生肉或結核腫疼或生瘡痒痛或大便艱難肛腸脫出又治腸風下血无問新久及諸漏根在臟腑悉能治之

枳殼

去穰
楚妙

牡蠣

火煨

華澄茄

大黃

蒸焙

鶴虱

炒各
半兩

白丁香

一分

芫青

去頭翅足糯米
炒黃色半兩

乳香

研一分

右為末粟米糊丸如梧桐子大每服十丸至十四丸
如治腸風臘茶清下諸痔煎薤白湯下諸漏煎鐵屑
湯下並食前服

解毒雄黃丸解毒治纏喉風及急喉痺卒然倒仆失音
不語或牙關緊不省人事

鬱金

雄黃

研飛各一分

巴豆

去皮出油十四個

右為末醋煮麵糊為丸如菉豆大用熱茶清下七丸
吐出玩涎立便蘇省未吐再服如至死者心頭猶熱

灌藥不下即以刀尺鐵匙斡開口灌之藥下喉嚨无
有不活吐瀉些小無妨及治上膈壅熱痰涎不利咽
喉腫痛赤眼癰腫一切毒熱並宜服之如小兒患喉
嚨赤腫及驚熱痰涎壅塞服二丸或三丸量兒大小
加減

尅效餅子治一切瘡病發作有時先覺伸欠乃作寒慄
鼓振頤頷中外皆寒腰脊引痛寒戰既已內外皆熱頭
痛如破渴欲飲冷或痰聚胸中煩滿欲嘔或先熱後寒

或先寒後熱或熱多寒少或寒多熱少或寒熱相半或但熱不寒或但寒不熱或一日一發或隔日一發或一發後六七日再發並能主之

甘草

燼

菉豆末

荷葉

燼各五兩

定粉

研

龍腦

研

麝香

研各半兩

信砒

醋煮二兩半

硃砂

研飛一兩一分

金箔

二十五片為衣

右為末煉蜜溲和每兩作二十丸捏扁以金箔為衣每服一餅子以新汲水磨化日發者未發前服之間

日不發夜服隔數日發者前一日夜服連日者凌晨服

烏梅丸治藏寒蛔蠱動作上入膈中煩悶嘔吐時發時止得食即嘔常自吐蛔有此證候謂之蛔厥此藥主之又治久痢

烏梅

三百個

黃蘗

炙

細辛

去苗

肉桂

去麋皮

附子

炮去皮臍

人參

去蘆各六兩

蜀椒

去目及閉口者微炒出汗用

當歸

去蘆各四兩

乾薑

炮十兩

黃連

去鬚十六兩

右異搗合篩治之以醋浸烏梅一宿去核蒸之五斗
米下飯熟搗成泥和藥令相得內臼中與煉蜜杵二
千下丸如梧桐子大每服十五丸溫米飲下食前服
神助散舊名亭
蔗散治十種水氣面目四肢遍身俱腫以手
按之隨手而起欬嗽喘急不得安卧腹大腫脹口苦舌
乾小便赤澁大便秘不利

澤瀉

二兩

椒目

半兩

猪苓

去黑皮
二兩

葶藶

炒香別研
三兩

黑牽牛

微炒取米
二兩半

右為細末每服以葱白三莖漿水一盞煎至半盞入酒半盞調藥三錢絕早面向東服如人行十里久以漿葱白煮稀粥至葱爛入酒五合熱啜量人啜多少須啜一升許不得喫鹽并麪自早至午當利小便三四升或小便利喘定腫減七分隔日再服既平之後必須大將息及斷鹽房室等三年

立效散治下焦結熱小便黃赤淋閉疼痛或有血出及大小便俱出血者亦宜服之

山梔子

去皮炒
半兩

甘草

炙三分

瞿麥穗

一兩

右為末每服五錢水一碗入連鬚葱根七個燈心五十莖生薑五七片同煎至七分時時溫服不拘時候

立勝散治男子婦人血妄流溢吐血衄血嘔血咯血

熟乾地黄

小薊

并根用

人參

蒲黃

微炒

當歸

去蘆

芍藥

烏梅

去核各一兩

右件藥搗羅為粗散每服五錢水一盞半煎至七分

去查溫服不拘時候

釣腸丸治久新諸痔肛邊腫痛或生瘡痒時有膿血又治腸風下血及肛門脫出並宜服之

括萋

燒存性
二枚

蛭皮

劉碎
存性
二枚

白礬

胡桃

取仁二十五兩不油
者入罐內燒存性

白附子

生用

綠礬

枯

附子

去皮臍
生用

天南星

生用

枳殼

去穰
炒

半夏

二兩

訶子

煨去皮
各二兩

雞冠花

劉微炒
五兩

右為細末以醋煮麪糊為丸如梧桐子大每服二十

丸空心臨卧溫酒下遠年不差者服十日見效久服

永除根本小可腸風疾等一二年內者只十服差永不發動

石韋散治腎氣不足膀胱有熱水道不通淋瀝不宣出少起數臍腹急痛蓄作有時勞倦即發或尿如豆汁或便出砂石並皆治之

芍藥

白朮

滑石

葵子

瞿麥

各三兩

石韋

木通

各二兩

王不留行

當歸

去蘆

甘草

炙各一兩

右為細末每服二錢煎小麥湯調下食前日二三服
牡蠣散治諸虛不足及新病暴虛津液不固體常自汗
夜卧即甚久而不止羸瘠枯瘦心忪驚惕短氣煩倦

黃芪

去苗土

麻黃根

洗各一兩

牡蠣

米泔浸刷去土火燒通赤

右三味為粗散每服三錢水一盞半小麥百餘粒同
煎至八分去查熱服日二服不拘時候

法製熟艾主灸百病

陳久黃艾

不以多少擇取葉入臼內用木杵輕搗令熟以細篩隔去青查再搗再篩如此

三次別以馬尾羅子隔之更
再搗羅猴系細黃熟為度

右主灸百病世人着灸多無法度徒忍痛楚罕能愈
疾今於聖惠千金外臺等方內撫取點穴分寸作炷
大小壯數多少等法如後

定分寸法

取病人男左女右中指第二節內度兩橫紋相去為一寸應取穴及作炷分寸並依

此法

點灸穴法

凡點穴時須得身體平直四肢毋令拳縮坐點毋令俛仰立點毋令傾側灸時孔穴

不正無益於病徒燒肌肉虛忍痛苦若坐點則坐灸之卧點則卧灸之立點則立灸之反此亦不得其穴

欽定四庫全書

太平惠民和濟局方

作艾炷法

凡下火點灸須令艾炷根下廣三分長亦三分若減此不覆孔穴不中經脉火氣不

行亦不能除病強壯人亦可稍撮今大周歲已衰小兒可如小麥大

點火法

古來用火灸病忌八般木火今即不用木火灸人不犯諸患魚去久疴以清油點之燈上

燒艾莖點灸魚滋潤灸瘡至愈已來且無疼痛用蠟燭更佳又火珠耀日以艾承之遂得火出此火灸病

為良次有日照耀日以艾引之便得火出此火亦佳

下火灸時法

陰氣未至灸無不著午前平旦谷氣虛

今人癡眩不可灸慎之慎之其大法如此卒急者不可用此例若遇陰翳天起風雪忽降猛雨炎暑雷電虹霓暫時且停候待清明即再下火灸灸時不得傷飽大饑飲酒食生硬物魚忌思慮憂愁怒呼罵叫

吁嗟歎息一切
不詳忌之大忌

治灸瘡不發法

凡著灸療病歷春夏秋冬不較者灸
灶雖然數足得瘡發膿所患即差如

不得瘡發膿出其疾不愈甲乙經云灸瘡不發者用
故履底灸之令熱熨三日即發腫出自然痊愈今用
赤皮蔥三五莖法其蔥青於塘灰火中煨熟拍破
熱熨灸瘡才餘遍其瘡三日自發五壞膿出痊愈

淋洗灸瘡法

凡著灸治疾纔佳火便用赤皮蔥薄荷
二味煎湯溫淋洗灸瘡周迴約一二

寸已來令驅逐風氣於瘡口內出氣令經脈往來不
滯於瘡下自然瘡壞疾愈若久瘡退火痂後用桃樹
東南枝梢青嫩桃皮二味等分煎湯溫淋洗灸瘡此
二味偏能護灸瘡中諸風若瘡內黑爛潰者加胡荽
三味等分煎湯溫淋洗灸瘡自然生好肉也若灸
瘡疼痛不可忍多時不較者加黃連四味等分煎湯

欽定四庫全書

太平惠民和濟局方
卷八

淋洗立
有神效

壯數多少法

千金方云凡言壯數者若丁壯過疾病根深篤者可倍多於方數其人老幼小

弱者可復減半依扁鵲法有至五百壯十壯者皆臨時消息之

推人神所在法

一日足大指二日外踝三日股內四日腰五日口舌懸鵝六日足小指七

日內踝八日足腕九日尻十日背腰十一日鼻柱十二日髮際十三日牙齒十四日胃腕十五日遍身十六日胸乳十七日口氣術十八日腹內十九日足趾二十日膝下二十一日手小指二十二日伏兔二十三日肝愈二十四日手陽明二十五日足陽明二十六日手足二十七日膝二十八日陰二十九日膝顚三十日額三十日關元下至足已上之神所在之日禁忌着灸若遇病急切不可拘此例

常山飲治瘧疾凡瘧疾蓋因外邪客於風府生冷之物
內傷脾胃或先寒後熱或先熱後寒或寒熱獨作或連
日併發或間日一發寒則肢體顫掉熱則舉身如燒頭
疼惡心煩渴引飲氣息喘急口苦咽乾脊脅酸疼腸鳴
腹痛諸藥不治漸成勞瘧者此藥治之

知母

川常山

草果

甘草

炙各二斤

良薑

二十兩

烏梅

去仁一斤

右件為粗散每服三錢水一盞生薑五片棗子一枚

煎至七分去渣溫服

對金飲子治證并方見傷寒類

清心蓮子飲治證并方見痼冷類

槐角丸治五種腸風瀉血糞前有血名外痔糞後有血
名內痔大腸不收名脫肛穀道四面努肉如脉名舉痔
頭上有孔一切並皆治之

槐角

去枝梗
炒一兩

地榆

當歸

酒浸一宿
焙

防風

去蘆各
八兩

黃芩

枳殼

去穰
炒各半斤

右為末酒糊丸如梧桐子大每服三十丸米飲下不拘時候此藥治腸風瘡內小蟲裏急下膿血止痒痛消腫聚驅濕毒久服永除病源

勝金丸治一切瘡病發作有時蓋因外邪客於臟腑生冷之物內傷脾胃或先寒後熱或先熱後寒或寒多熱少或寒少熱多或但熱不寒或但寒不熱或連日併發或間日而發或發後三五日再發寒則肢體顫掉熱則舉身如火頭痛惡心煩渴引飲氣息喘急口苦咽乾背

脅痠疼腸鳴腹痛或痰聚胸中煩滿欬嘔並皆治之

檳榔

四兩

常山

酒浸蒸
焙一斤

右為末水麪糊為丸如梧桐子大每服三十丸於發
前一日晚臨卧用冷酒吞下便睡不得喫熱物茶湯
之類至四更盡再用冷酒吞下十五丸忌食一切熱
羹湯粥食午間可食溫粥至晚方可食熱忌一切生
冷魚腥等物 一方用川常山十六兩為末雞卵十
五隻取清為丸治證服餌一如前法

腸風黑散治證與瀉痢類腸風黑散

荊芥

燒二兩

枳殼

去穰二兩燒一兩炒用

亂髮

燒

槐花

燒

槐角

燒

甘草

炙

蝟皮

各一兩半

右將合燒藥同入瓷瓶內黃泥固濟燒存性三分出火氣同甘草枳殼搗羅為末每服入二錢水一盞煎至七分空心溫服溫酒調下亦得

神應黑王丹治證并方見瀉痢類

療急丸療心腹諸卒暴百病中惡客忤心腹脹滿卒痛



如刀所刺氣急口噤

乾薑

炮一兩

巴豆

去皮油明

大黃

各二兩

右件為末煉蜜為丸如梧桐子大每服三丸溫水下
不拘時服

青解毒丸治大人小兒五藏積熱毒氣上攻胸膈煩悶
咽喉腫痛赤眼癰腫頭面發熱唇口乾燥兩頰生瘡精
神恍惚心忪悶亂坐卧不寧及傷暑毒面赤身熱心躁
煩渴飲食不下

寒水石

研

石膏

研各十
六兩

青黛

八兩

右件細研如粉入青黛和勻蒸餅七個水調為丸如
鷄頭大每服一丸食後新汲水化下或細嚼用生薑
水下亦得如中諸毒並宜服之及小兒驚風潮熱痰
涎壅塞心胸煩躁頰赤多渴睡卧不穩每三歲兒可
服半粒更量歲數加減與之

寸金丸治元陽虛弱寒氣攻衝膀胱小腸發腫作痛或
注在心脇牽連小腹連屬陰間致身體增寒撮痛

欽定四庫全書

太平惠民和濟局方
卷八

楮實子

川棟子 炒

巴豆 炒七個

全蝎 炒四半個

當歸

去蘆酒浸一宿一兩半

右為細末用浸當歸酒打麴糊和丸如鷄頭實大空心溫酒鹽湯吞下二丸至三丸併進二服

奪命丹治遠年日近小腸疝氣偏墜搐疼臍下撮痛以致悶亂及外腎腫硬日漸滋長陰間濕痒抓成瘡

吳茱萸

去枝梗一斤四兩用酒浸四兩用醋浸四兩湯浸四兩用童子小便浸各沒一宿同

乾

澤瀉 去灰土二兩

右為細末酒煮麵糊丸如梧桐子大每服五十丸空
心食前鹽湯或酒吞下

茱萸內消丸治腎經虛弱膀胱為邪氣所搏結成寒疝
陰癰偏火上攻臍腹病痛膚囊腫脹或生瘡瘍時出黃
水腰腿沉重足脛腫滿行步艱辛服之內消不動臟腑

一方無枳實陳皮桃仁
玄胡索川楝子木香

山茱萸

揣去核取
肉微炒

桔梗

水浸一伏時漉出
慢火炒乾為度

白蒺藜

剉炒去
刺去

川烏

泡去
皮臍

肉桂

去粗
皮

青皮

去
白

茴香

船上者淘去砂石焙炒

吳茱萸

微炒各二兩

山茱萸

微炒

海藻

洗焙

五味子

大腹皮

桃仁

去皮米及雙仁麩炒

玄胡索

各二兩半枳實去核麩炒

陳皮

去白各一兩

川楝子

剉炒三兩

木香

一兩半

右為末酒糊丸如梧桐子大溫酒下三十丸食前服

麝香大戟丸治陰癰腫脹或小腸氣痛

葫蘆巴

炒四兩

大戟

去皮炒黃半兩

麝香

別研一錢

茴香

船上者

川楝子

各六兩

檳榔

刮去粗皮切不見火

木香

附子

炮去皮臍

訶子

炮去核酒蒸焙乾各用一兩

右為末獨留川楝子以好酒一二升葱白七枚長三四寸煮川楝子軟去核取肉和藥搗杵丸如梧桐子大空心溫酒下五七丸至十丸薑湯亦得潮發疼痛炒薑熟酒下十五丸

三白散治膀胱蘊熱風濕相乘陰囊腫脹大小便不利

白牽牛

二兩

桑白皮

微炒

白朮

木通

去節

陳皮

去白各半兩

右搗為細末每服二錢薑湯調下空心服未覺再進
常服能利留滯不損藏氣

葫蘆巴丸治大人小兒小腸氣蟠腸氣奔豚氣疝氣偏
墜陰腫小腹如卵上下痛不可忍或後結遶臍故刺嘔
惡悶亂並治之

葫蘆巴

觔一炒

吳茱萸

湯洗七次炒

川楝子

一炒

斤二兩

大巴戟

去心炒

川烏

炮去皮腹各六兩

茴香

沒去土炒十二兩

右為細末酒煮麴糊為丸如梧桐子大每服十五丸
空心溫酒吞下小兒五丸茴香湯下

治瘡腫傷折

雲母膏治一切瘡腫傷折等病

蜀椒

去目及閉口者
微炒出汗用

白芷

沒藥

研

赤芍藥

肉桂

去粗皮

當歸

鹽花

研

麒麟竭

研

菖蒲

白芨

芎藭

草龍胆

木香

白薇

防風

去蘆

厚朴

皮去粗

麝香

研

桔梗

柴胡

去頭蘆

松脂

人參

蒼朮

一宿

黃芩

夜合

皮川

乳香

附子

去皮

茯苓

去皮

高良薑

各半

消石

研如粉

甘草

各四兩

陳皮

一兩

水銀

俟膏凝如人體熱以生絹袋盛水銀以手彈如針頭大針在膏上謂之養藥母

雲母

光明白薄者研粉四兩

清油

四十兩

黃芪

去蘆半兩

桑白皮

栢葉

槐枝

柳枝

各二兩

黃丹

細研一十四兩

右除雲母消石麒麟竭沒藥麝香乳香黃丹鹽花八
味別研外並剉如豆大用上件清油於瓷器中浸所
剉藥七日以物封閉後用文火煎不住手攪三上火
每上候匝連沸乃下火候沸定再上如此三次候白
芷附子之類黃色為度勿令焦黑以綿或新布絞去
滓却入鐺中再上火熬後下黃丹與別研藥八味以
柳篋不住手攪直至膏凝良久變色再上熬仍滴少
許水中凝結不粘手為度先炙一瓷器熱即火上熬

仍濟少許水中凝結不粘手為度先炙一瓷器熱即
傾藥在內候如人體溫熱彈水銀在上每用膏藥即
先刮去水銀治發背先以敗蒲一斤用三升水煎五
十沸如人體溫將蒲水洗瘡拭乾貼藥一兩分為三
服溫酒下未成膿者立差於外貼之妳癰外貼療癰
骨疽毒穿至骨用藥一兩分作三服溫酒下甚者即
瀉出惡物魚外貼差腸癰以藥半兩分為五服甘草
湯下未成膿者當時消已有膿者隨藥下膿出後每

日酒下五丸如梧桐子大待膿止即住服風眼貼兩
太陽穴壁虎咬蜘蛛咬外貼留瘡口發腦發髭鬚發
眉發耳臍癰牙癰牙疼並外貼包裹即當時痛止箭
頭所傷箭頭在內外貼每日喫少許爛菜豆箭頭自
出虎豹所傷先以甘草湯洗然後貼膏每日換不過
三次貼狗蛇咬生油下十丸如梧桐子大仍須外貼
難產三日不分娩溫酒下一分便生血暈欲死以薑
汁和小便半升溫酒下十丸死者即返死胎在腹以

榆白皮湯下半兩便生丈夫本藏氣茴香溫酒下一分每日服不過二服差中毒藥酒用溫酒下一分每日服不過四度瀉出惡物差瘤贅外貼消之一切腫癰外貼立差但有所苦並皆溫之藥到即差已上主療只忌羊血餘無所忌如人收此藥防身以蠟紙裹不令風乾可三十年不損藥力

犀角丸治腸癰乳癰發背一切毒腫服之化為水

巴豆

二十二枚去皮膜心炒出油細研

大黃

蒸焙一分

犀角

三兩

黃連

去鬚

梔子

去皮

乾蓼藍

升麻

黃芩

防風

去蘆

人參

當歸

去蘆

黃芪

去苗

甘草

炙各一兩

右為細末入巴豆勻煉蜜溲和為丸如梧桐子大每服三丸溫湯下利三兩行喫冷粥止之不利加至四五丸初服取快利後漸減丸數取微糖泄為度老小
以意加減腫消及和潤乃止利下黃水覺腫處微皺
色變即是消候一切腫毒皆內消神驗不可論忌熱

金匱要略卷之二十一
麵蒜猪肉蘆笋魚海藻菰菜生冷黏食

何首烏散治脾肺風毒攻衝遍身癰疥瘙痒或生癰疹
搔之成瘡肩背拘倦肌肉頑痺手足皴裂風氣上攻至
頭面生瘡及治紫癍白癍頑麻等風

荊芥穗

蔓荊子

去白皮

蚶蜆草

去土

甘草

炙

何首烏

防風

去蘆又

葳靈仙

淨洗

右件各五斤搗羅為末每服一錢食後溫酒調下沸
湯亦得

樺皮散治肺藏風毒遍身瘡疥及癰疹瘙癢之成瘡
又治面上風刺及婦人粉刺

杏仁

去皮尖用水一碗於銀銚子內熬候
水減一半已來取出放令乾二兩

枳殼

去穰用炭火燒存性
取出於濕紙上令冷 樺皮燒存灰 甘草炙半兩

荊芥穗

二兩

右件藥除杏仁外餘藥都搗羅為末却將杏仁別研
令極細次用諸藥末旋旋入研令勻每服二錢食後
溫酒調下日進三服瘡疥甚者每日頻服

欽定四庫全書

太平惠民和劑局方
卷六

三

太嶽活血丹治男子婦人外傷內損狗咬蟲傷驢撲馬
墜手足傷折一切疼痛腹中瘀血刺脇築心及左癱右
癱走注痛癰腫痔漏婦人冷氣入腹血脉不通產後敗
血灌注四肢次妳腫痛血氣撮痛並宜服之

亂髮燒

用水淨洗三斤晒乾用清麻油二斤入鍋內頻以手撚脆亂如糊苔即止不可炒過

栗楔

謂栗三顆共一毬其中區者是去殼薄切日乾一斤

大黑豆

以濕布揩去塵垢退黑皮焙乾一斤乳香好者細研入米醋一碗熬令熟四兩

草麻仁

別研塗黑三兩

皂角刺

燒通紅米醋內淬焙

花桑枝

如臂大者炭火燒烟盡
米醋淬取出焙一斤

細墨

半斤一半用草麻仁三兩乳鉢爛研塗墨上
塗盡用薄紙裹以黃泥固濟日乾以炭五七

斤煨令通紅放地上盤蓋出火氣兩飯久
又一半用硃砂二兩醋化塗墨上炙乾

硃砂

光淨者醋化
塗墨上二兩

右六味為末入乳香膏內和杵三千下丸如彈子大
如乳香膏少更入醋煮麵糊痛甚者每服一丸輕可
者服半丸用無灰酒一盞乳香一豆大先磨香盡次
磨藥盡煎三五沸臨卧溫服以痛處就牀卧如欲出

汗以衣被蓋覆仍用藥塗磨損處忌一切動風物應
婦人諸疾服者更用當歸末一錢依法煎服有孕者
莫服

玉龍膏摩風止痛消腫化毒治一切傷折瘡毒

括蓼

大者一個去皮

黃蠟

一兩半

白芷

淨揀剉半兩

麝香

研一錢

麻油

清真者六兩

松脂

研一錢半

零香

藿香

各一兩

杏仁

去皮尖

升麻

黃芪

赤芍藥

白芨

白薇

甘草

淨揀剉各一分

右以油浸七日却比出油先煉令香熟放冷入諸藥
慢火煎黃色用絹濾去渣入銀石鍋內入蠟并麝香
松脂熬少時以瓷合氣盛每用少許薄攤絹帛上貼
若頭面風癬痒瘡腫疼痛並塗磨令熱頻頻用之如
耳鼻中肉鈴用紙撚子每日點之至一月即愈如治
灸瘡及小兒瘤瘡塗之無滅癰痕神效

花藥石散治一切金刃箭鏃傷中及打撲傷損猫狗咬
傷或至死者急於傷處滲藥其血化為黃水再滲藥便

活更不疼痛如內損血入藏府熱煎童子小便入酒少
許調一大錢服之立效若牛舐腸出不損者急內入細
絲桑白皮尖茸為線縫合肚皮縫上滲藥血止立活如
無桑白皮用生麻縷亦得並不得封裏瘡口恐作膿血
如瘡乾以津液潤之然後滲藥婦人產後敗血不盡血
迷血暈惡血奔心胎死腹中胎衣不下至死者但心頭
暖急以童子小便調一錢取下惡物如猪肝片終身不
患血風血氣若膈上有血化為黃水即時吐出或隨小

便出立效

硫黃

上色明淨者搗為粗末四兩

花藥石

搗為粗末一兩

右二味相伴勻令先用紙筋和膠泥固濟瓦罐子一個內可容藥候泥乾入藥內密泥封口了焙籠內焙乾令透熱使安在四方磚上磚上書八卦五行字用炭一秤籠疊周匝自巳午時從下生火令漸漸上徹有墜下火旋夾火上直至經宿火冷炭消盡又放經宿罐冷定取出細研以絹羅子羅至細瓷合內盛依

前法使用

五行

圖闕

八卦

之圖

化毒挑膿內補十宣散

亦名折裏十補散

治一切癰疽瘡癤未

成者速散已成者速潰敗膿自出無用手擠惡肉自出

不犯刀仗服藥後疼痛頓減其效如神

黃芪

以綿上來者為勝半如箭幹長二三尺頭不
又者洗淨寸截搥破絲劈以鹽湯潤透用盞

盛蓋湯餅上一炊久焙
燥隨衆藥碾即成細末

人參

以新羅者為上擇圓潔重實滋潤者洗淨去蘆薄切焙乾轉用

當歸

取川中來者擇大片如馬尾狀滋潤甜辣芬香溫水洗淨薄切焙乾各二兩

厚朴

用梓間者肉厚而色紫指之油出去粗皮切薑汁暑一宿熅熟焙燥勿用桂朴

桔梗

以有心味苦者為真無心味甘者不佳主解藥毒切勿誤用洗淨去頭尾薄切焙燥

桂心

用卷薄者古法帶皮桂每兩止取二錢半合用一兩者當買四兩候衆藥罷別研方入不

得見火

芎藭

以川中來者為上令多梳芎大塊者淨洗切焙

防風

擇新者淨洗切焙

甘草

生用

白芷

各一兩

右十味選藥貴精皆取洗焙曬極燥方秤除桂心外
一處搗羅為細末入桂令勻每服三錢加至五六錢
熱酒調下日夜各數服以多為妙服至瘡口合更服
尤佳所以補前損杜後患也不飲酒人濃煎木香湯
下然不若酒力之勝也或飲酒不能多勉強用酒調
并以木香湯解酒切效當不減於酒也大抵癰疽之
作皆血氣凝滯風毒壅結所致治之不早則外壞肌

肉內攻藏府其害甚大纔覺便服倍加服數服之醉則其效尤速發散風毒流行經絡挑膿止痛生肌長肉藥性平和老人小兒婦人室女皆可服之

沒藥降聖丹治打撲閃肭筋斷骨折攣急疼痛不能屈伸及榮衛虛弱外受遊風內傷經絡筋骨緩縱皮肉刺痛肩背拘急身體倦怠四肢少力

自然銅

火煨醋淬十二次
研為末水飛過焙

川烏頭

生去
皮臍

骨碎補

去
土

毛

白芍藥

沒藥

研

乳香

別
研

當歸

洗焙各一兩

生乾地黄

川芎

各一兩半

右並生用為細末以生薑自然汁與蜜等分煉熟和丸每一兩作四丸每服一丸搥碎水酒各半盞入蘓木少許同煎至八分去蘓木熱服空心食前

千金漏蘆湯治癰疽發背丹毒惡腫時行熱毒發作赤色瘰癧初發頭目赤痛暴生障翳吹妳腫痛一切無名惡瘡雖覺所苦細微不可輕忽服此藥並皆內消更不成膿若發背癰疽已成膿者當挑日服之直至膿盡

漏蘆

去蘆

麻黃

去根

升麻

剉

赤芍藥

剉生

黃芩

去皮

甘草

剉生

白芨

淨洗

白薇

去鬚

枳殼

米泔浸一宿
去白各四兩

生大黃

一十
三兩

右咬咀每服四錢水二盞煎至一盞紗帛濾去渣空

心食前熱服以快利為度病人更自量增損服之立

效

滑肌散治風邪客于肌中渾身瘙痒致主瘡疥及脾肺
風毒攻衝偏身瘡疥皴裂乾濕發瘡日久不瘥並皆治

之

剪草

不見火
七兩

輕粉

一錢

右為細末瘡溫用藥乾滲瘡乾用麻油調藥敷之
神效托裏散治癰疽發背腸癰妳癰無名腫毒凡作疼
痛增寒壯熱類若傷寒不問老幼虛人並皆治之

忍冬草

去梗

黃芪

去蘆各
五兩

當歸

一兩二錢

甘草

炙八分

右為細末每服二錢酒一盞半煎至一盞若病在上
食後服病在下食後前服少頃再進第二服留渣外

傳未成膿者內消已成膿者即潰

紅玉散斂瘡口生肌肉止疼痛去惡水不問日近年深

並治之

寒水石

炭火燒通去候
冷細研二兩

黃丹

半兩

右同研細乾溲瘡口內後用萬金膏貼每日一上再

上更妙

萬金膏治癰疽發背諸般瘡癰從高墜墮打撲傷損脚
膝生瘡遠年臙瘡五般痔漏一切惡瘡並皆治之

龍骨

鼈甲

苦參

烏賊魚骨

黃蘗

草烏頭

黃連

猪牙皂角

黃芩

白芨

白薇

木鼈子仁

當歸

洗焙

厚朴

去粗皮

川芎

香白芷

沒藥

別研

槐枝

柳枝

並同判研
各一分

乳香

別研
一錢

黃丹

一兩半

清麻油

四兩炙
用半斤

右除黃丹外銀石器中將諸藥於油內慢火煎紫赤色去藥不用却入黃丹一半放油內不住手攪令微

黑更入餘黃丹不住手攪須是慢火熬令紫黑滴在水上不散及不黏手然後更別入黃丹少許再熬數沸如硬時却更入油些小以不黏手為度用時量瘡大小攤紙上貼之

接骨散治從高墮下馬逐傷折筋斷骨碎痛不可忍接骨續筋止痛活血

定粉

當歸

各一錢

硼砂

半錢

右為細末每服二錢煎蘇木湯調下服訖後時時喫

蕪木湯

急風散治久新諸瘡破傷中風項強背直腰為反折口
噤不語手足抽掣眼目上視喉中沸聲

草烏頭

三兩一半生用一半以火
燒存性桂米醋內淬令冷

丹砂

一兩

生烏豆

同草烏一
處為末

麝香

研各
一分

右為細末和勻破傷風以酒一小盞調半錢神效如
出箭頭先用酒一盞調服半錢却以藥貼箭瘡上

油調立效散治濕疥浸淫流清遍體大作舉手搔之水

出小如粟粒痒痛難任肌膚濕潤經久不差

硫黃

研細

黃蘗

細碾微炙

碌碠

膩粉

各等分

右為細末研勻以生油調藥塗之

導滯散治重物壓迫或從高墜下作熱五內吐血下血
出不禁止或瘀血在內胸腹脹滿喘粗氣短

當歸

大黃

右等分炒為末每二錢溫酒調下不拘時候

如聖散治肺藏風毒攻發皮膚血氣凝澀變生疥瘡癰

痒搔之皮起作痂增展侵引連滯不差活血脉潤皮膚
散風邪瘰癧

水銀

同胡粉點水
研令黑一分

胡粉

結砂子
一兩 蛇牀子
兩半

黃連

去鬚
三分

右件藥以生麻油和稀滑每用藥時先以鹽漿水洗
瘡令淨後以藥塗之乾即便換不過三五度差

檳榔散治癰疽瘡癤膿潰之後外觸風寒腫焮結硬膿
水清稀出而不絕內腠空虛惡汁臭敗瘡邊乾急好肌

不生及療疔瘰惡瘡連滯不差下注臙瘡侵漬不斂

檳榔

黃連

去鬚切

木香

各等分

右為細末每用乾貼瘡上

拔毒散治小兒丹毒肉色變異或著四肢或在胸背遊走不定焮熱疼痛拔毒消腫散熱定疼

石膏

三兩

甘草

黃蘗

各一兩

寒水石

七兩

右為細末每用水調時復以鷄翎刷掃以芭蕉自然

汁調妙

琥珀膏治頸項瘰癧及發腋下初如梅子腫結硬強漸若連珠不消不潰或穿穴膿潰肌汁不絕經久難差漸成漏疾並治之

琥珀

一兩

木通

桂心

當歸

白芷

防風

松脂

硃砂

研

木鼈

去殼各半兩

麻油

二斤

丁香

木香

各三分

右件藥先用琥珀丁香桂心硃砂木香五味搗羅為末其餘藥並細剉以油浸一宿於鐺中以慢火煎候

白芷焦黃漉出次下松脂末濾去渣再澄清油却安
鍋中慢火熬下黃丹一斤以柳木篦不住手攪令黑
色滴入水中成珠子不散看硬軟得所入琥珀等末
攪令勻於瓷器內盛之每使時看大小用火熏紙上
勻攤貼之

丹參膏治乳腫乳癰毒氣歛作赤熱漸成攻刺疼痛及
治乳核結硬不消散通順經絡宣導壅滯

丹參

赤芍藥

白芷

各等分

右細剉以酒浸三宿入猪油半斤微煎令白芷色黃
濾去查入黃蠟一兩每用少許時時塗之

神效當歸膏治湯火傷初起癰漿熱毒侵展焮赤疼痛
毒氣壅盛腐化成膿斂瘡口生肌肉拔熱毒止疼痛

當歸

黃蠟

各一兩

麻油

四兩

右件先將油煎令當歸焦黑去查次入蠟急攪之放
冷入瓷合內每使時故帛子攤貼之

膩粉膏治風邪熱毒客搏皮膚身體生瘡痒痛及大疥

作瘡焮赤疼痛侵淫清展肌汁不絕拔熱毒止痛生肌
肉斂瘡口神效

猪脂

煉六兩

松脂

半兩

膩粉

胡粉

黃連

為末各一兩

甘草

為末一兩

右件藥先以猪脂煎松脂次入黃蠟二兩濾去渣次
下膩粉并四味攪勻傾於瓷器中每用藥少許塗之
日三四易

烏蛇膏治風邪毒氣外客皮膚熏發成腫所起不定遊

走往來時發痒痛或風毒勢盛攻注成瘡焮赤多膿瘡
邊緊急但是風腫並皆治之

吳茱萸

蒙本

獨活

細辛

白僵蠶

去絲
嘴炒

半夏

漢椒

去目
炒

防風

赤芍藥

當歸

桂心

川芎

香白芷

烏蛇

黃蠟

各二
兩

乾蝎

附子

去皮尖
各一兩

右件細剉以煉臘月猪脂二斤文火煎候白芷赤黑

色為度綿濾去渣下臘入瓷器內盛每用取少許摩之令熱日三服

槐白皮膏治內外諸痔腫核結硬或痒發無時或痛不可忍或肛邊生瘡赤爛侵潰或鼠乳附核久不消散

槐白皮

棟實

各五兩

甘草

白芷

各二兩

赤小豆

二合

桃仁

六十枚

當歸

三兩

右七味咬咀以煎成猪膏一斤微火煎白芷黃藥成每用摩瘡上日再用

神仙太一膏治八發癰疽一切惡瘡軟癰不問年月深遠已成膿未成膿貼之即效蛇虎蝎犬湯火刀斧所傷並可內服外貼發背先以溫水洗瘡拭乾用帛子攤藥貼仍用水下血氣木通酒下赤白帶下當歸酒下咳嗽喉閉纏喉風並綿裹含化一切風赤眼貼太陽穴後用山梔子湯下打撲傷損貼藥仍用橘皮湯下腰膝痛貼之鹽湯下吐血桑白皮湯下諸漏先以鹽湯洗其諸瘡癰並量大小以紙攤藥貼之並每服一粒旋圓櫻桃大

以蛤粉為衣其藥可收十年不壞愈久愈烈神效不可具述

玄參

白芷

川當歸

去蘆

大黃

肉桂

去粗皮

赤芍藥

生乾地黃

各一兩

右剉用麻油二斤浸春五日夏三日秋七日冬十日
濾去渣油熬得所次下黃丹一斤以滴油在水中不
散為度

補損當歸散療墜馬落車被打傷腕折臂呼叫不絕服

此藥呼吸之間不復大痛服三日筋骨即當相連神效

澤蘭

製

附子

炮去皮
各一分

當歸

炒

甘草

炙

蜀椒

炒去
汗

桂心

各三分

芎藭

炒六
分

右為細末二錢溫酒調下日三服忌海藻菰菜葱猪

復元通氣散治瘡癰癰疽方作煨赤初發疼痛及膿已

潰未潰小腸氣腎癰便毒腰疼氣刺腿膝生瘡及婦人

吹妳

舶上茴香

炒

川山甲

劉蛤
去粉

炒
兩

玄胡索

擦去皮

白牽牛

炒取末

陳皮

去白

甘草

炒各一兩

南木香

不見火一兩半

右為細末每服一大錢熱酒調病在上食後服病在下食前服不飲酒人煎南木香湯調下

排膿托裏散治一切瘡癰癰毒及腸癰背或赤腫而未破或已破而膿血不散渾身發熱疼痛不可堪忍者并治婦人妳癰一切毒腫並宜服之

地蜈蚣

赤芍藥

當歸

甘草

各等分

右為細末每服二錢溫酒調下不拘時候

升麻和氣飲治瘡疥發於四肢臂髀痛痒不常甚至增
寒發熱攻刺疼痛浸淫浮腫又癩風入臟陰下濕痒耳
鳴眼痛皆治之

乾薑

熟枳殼

各半兩

乾葛

熟蒼朮

桔梗

升麻

當歸

熟半夏

茯苓

大黃

各半兩

白芷

各二錢

陳皮

甘草

各一兩半

芍藥

各七錢半

右為剉散每服四大錢水一盞半薑三片燈心十五
莖煎至七分去查食前服

五香連翹湯治一切惡核瘰癧癰疽惡腫等病

出三因方

沉香

不見火

舶上青木香

不見火各一分

甘草

生

乳香

不見火研

連翹

去蒂

麝香

真別研一錢半

升麻

各三分

丁香

不見火半兩

大黃

蒸三兩

射干

三分

獨活

今鋪家所賣者只是宿前胡或是上當歸不堪用只用羌活甚妙

桑寄生

無以升麻代之

木通

去節各三分

欽定四庫全書

太平惠民和劑局方
卷八

右咬咀每服四大錢水二盞煮取一盞以上去查取
八分清汁空心熱服半日以上未利再喫一服以利
下惡物為度未生肉前服不妨以折去熱毒之氣本
方有竹瀝芒硝恐泥去聲者不能斟酌故闕之智者當
自添減

五香連翹湯方甚多當以三因為正李氏方今並存之
李氏方用乳香甘草木香沉香連翹射干升麻木通
桑寄生獨活各三分丁香半兩大便秘者加大黃三


分 李氏所以不用大黃者蓋恐虛人老人不宜服
故臨時加減用

又一方青木香三分桑寄生二分沉香木通生黃芪
大黃各一兩酒漫煨麝香二錢乳香藿香川升麻連
翹各半兩鷄舌香三分此方與三因李氏方同但外
加鷄舌藿香耳

欽定四庫全書

太平惠民和劑局方
卷八

四十一



太平惠民和劑局方卷八

欽定四庫全書

子部

太平惠民和劑局方卷九

詳校官太醫院吏目吳尊璽

編修臣倉聖脈覆勘

總校官編修臣王燕緒

校對官主事臣陳文樞

謄錄監生臣左顥若

欽定四庫全書

太平惠民和劑局方卷九

宋 陳師文等 撰

治婦人諸疾

外有治療諸方互見各類

熟乾地黄丸治婦人風勞虛冷一切諸疾或風寒邪氣
留滯經絡氣血冷澁不能溫潤肌膚或風寒客于腹內
則脾胃冷弱不能尅消水穀或腸虛受冷大便時泄或
子藏挾寒不能成胎月水不調乍多乍少或月前月後

或淋瀝不止或閉斷不通結聚癥瘕面體少色飲食進
退肌肉消瘦百節酸疼時發寒熱漸至羸損帶漏五色
陰中冷痛時發腫痒月水將行臍腹先痛皮膚皴濕癢
疹瘙痒麻痺筋攣面生黧鬚髮黃脫落目淚自出心忪
目眩及產後勞損未復肌瘦寒熱顏色枯黑飲食無味
漸成蓐勞並皆療之

熟乾地黃酒浸五味子揀淨栢子仁微炒芎藭各一兩半

澤蘭

去梗二分

禹餘糧

火燒細研

紅醋淬七遍

防風

去蘆

肉蓯蓉

酒浸一宿

白茯苓

去皮

厚朴

去粗皮薑汁炙

白芷

乾薑

炮

山藥

細辛

去苗

卷柏

去根各一兩

當歸

去蘆酒浸炒

藁本

去蘆洗

甘草

炙各一兩三分

人參

蜀椒

去目及閉口者微炒出汗

蕪荑

炒

續斷

牛膝

去苗酒浸一宿

蛇牀子

揀淨微炒

杜仲

去粗皮炙黃

艾葉

炒各三分

赤石脂

醋淬

石膏

煨研飛各二兩

肉桂

去粗皮

石斛

去根

白朮

各一兩一分

紫石英

煨醋淬研飛三兩

右件藥搗羅為末煉蜜和搗五七百杵丸如梧桐子

大每服三十丸溫酒或米飲下空心食前服常服養血補氣和順榮衛充實肌膚調勻月水長髮駐顏除風去冷令人有子溫平不熱無毒妊娠不宜服之

澤蘭丸治產後勞傷腑藏虛羸未復氣血不調肢體瘦弱困乏少力面色萎黃心常驚悸多汗嗜卧飲食不進產後百日內每日常服壯氣益血暖下藏進飲食

黃耆

澤蘭

去梗

牛膝

去苗酒浸一宿

人參

去蘆

赤石脂

煨各一兩

附子

炮去皮臍

木香

草薢

白茯苓

去皮

續斷

各三分

肉桂

去粗皮

芎藭

白朮

乾薑

炮

當歸

去蘆劉微炒

甘草

炙微赤
各半兩

熟乾地黄

淨洗酒蒸焙
一兩半

右為末煉蜜丸如梧桐子大每三十九溫米飲下空
心食前

鍾乳澤蘭丸補虛羸益血氣治衝任虛損月水不調臍
腹疔痛腰腿沉重四肢倦怠百節酸疼心忪恍惚憂恚
不樂面少光澤飲食無味除下藏風冷治帶下三十六

疾崩中漏下五色子宮久冷無子及數墮胎或因產勞損衝任血氣虛羸肌瘦嗜卧久服補煖元藏潤澤肌膚長髮去黥除頭風令人有子

鍾乳粉

三兩

澤蘭

二兩二錢半

蕪荑

炒半兩

人參

去蘆

栢子仁

炒別搗

石膏

研飛

石斛

去根

甘草

微炙赤

熟乾地黄

酒蒸各一兩

芍藥

白芷

牛膝

去蘆酒浸焙

山藥

當歸

去蘆炒各一兩二錢半

山茱萸

一兩二錢半

艾葉

醋炒七錢半

防風

一兩七錢半

藁本

細辛

去苗不見火

肉桂

去粗皮各一兩

麥門冬

去心焙一兩半

右為細末煉蜜和為丸如梧桐子大每服三十丸至五十丸溫酒或米飲下空心食前日二服

人參荆芥散治婦人血風勞氣身體疼痛頭昏目澀心怔煩倦寒熱盜汗頰赤口乾痰嗽胸滿精神不爽或月水不調臍腹疔痛瘰癧塊硬疼痛發歇或時嘔逆飲食不進或因產將理失節淹延瘦瘁乍起乍卧甚即著牀

荆芥穗

羚羊角

鎊

酸棗仁

微炒

生乾地黄

枳殼 麵炒

人參

鼈甲

醋浸去
裙炙黃肉桂 去粗皮

白朮

柴胡

各七兩半

甘草

剉燼

芎藭

赤芍藥

牡丹皮

防風

去苗又

當歸

各五兩

右為粗末每服三錢水一盞半生薑三片煎至八分
去渣熱服不拘時日二服常服除一切風虛勞冷宿
病有孕不宜服

牡丹煎丸治婦人衝任本虛少腹挾寒或因產勞損子
藏風寒搏冷血氣結生瘕聚結硬發歇臍腹刺痛脇肋

緊脹腰膝疼重拘攣腫滿背項強急手足麻痺或月水
不調或瘀滯澀閉或崩漏帶下少腹冷疼寒熱盜汗四
肢酸痛面色萎黃多生黥黯羸乏少力心多驚悸不欲
飲食

玄胡索

縮砂仁

各半兩

赤芍藥

丹皮

各一兩

山茱萸

乾薑

炮各半兩

熟乾地黄

酒浸

龍骨

細研水飛

檳榔

羌活

各二兩

藁本

去土

五味子

人參

白芷

當歸

去蘆酒浸

乾山藥

澤瀉

續斷 細者

肉桂 去粗皮

白茯苓

白朮

附子 去皮臍

木香

牛膝

去苗酒浸一宿焙

草薢

炮為末炒熟各一兩

石斛

去根酒浸二兩

右為細末煉蜜和丸如梧桐子大每服二十九至三十丸溫酒或醋湯下空心食前二服妊娘不宜服

椒紅丸治婦人血氣不調藏腑怯弱風冷邪氣乘虛客搏臍腹冷疼脇肋時脹面色痿黃肌體羸瘦怠惰嗜卧不思飲食常服補虛損煖下藏逐痼冷

沉香

莪朮

訶梨勒煨去核

椒紅微炒出汁

當歸

去蘆酒浸微炒

附子

炮去皮臍

白朮

各一兩

麝香

一分研

丁香

肉豆蔻

炮

高良薑

去蘆微焙炒各半兩

右為細末入麝香勻酒煮麵糊丸如梧桐子大每服
三十九丸用溫酒下空心食前

熟乾地黄散治婦人勞傷血氣腑藏虛損風冷邪氣乘
虛客搏肢體煩痛頭目昏重心多驚悸寒熱盜汗羸瘦
少力飲食不進

丹參

去蘆頭

防風

去蘆叉

當歸

去蘆微炒

細辛

去苗

藁本

去蘆洗

芎藭

各半兩

人參

白朮

各一兩

白茯苓

去皮

肉桂

各粗皮各一兩

附子

炮去皮臍

續斷

黃芪

去蘆各三分

熟乾地黄

酒蒸焙一兩

右為粗散每服四錢水一盞半入生薑半分棗五個

擘破煎至一盞濾去渣食前溫服

安息活血丹治衝任不足下焦久寒臍腹疔痛月事不勻或來多不斷或過期不來或崩中去血或帶下不止

面色痿黃肌肉瘦痺肢體沉重胸脇脹滿氣力衰乏飲食減少一切血氣虛寒宜服之

吳茱萸

湯浸七遍焙乾微炒

杜仲

去粗皮剉炒

當歸

栝子仁

炒

山茱萸

去核

玄胡索

虎骨

安息香

搗碎入好酒研澄瀝去渣銀器內慢火熬成膏

木香

桃仁

去皮尖麤炒微黃色

杜仲

去粗皮剉炒

附子

炮去皮臍各二十兩

澤瀉

葉

乾薑

炮

肉桂

去粗皮

艾葉

微炒

黃芪

去蘆

牡丹皮

肉蓯蓉

酒浸焙各二斤半

右為細末以前安息香膏入白麵同煮作稀糊丸如梧桐子大每服三十丸食前以溫酒下醋湯亦得

吳茱萸湯治婦人藏氣本虛宿挾風冷胃膈滿痛腹脇疔刺嘔吐惡心飲食或少身面虛浮惡寒戰或泄利不止少氣羸困及因而生產藏氣暴虛邪冷內勝相疾轉甚並皆治之

桔梗

去苗

防風

去苗又

乾薑

炮

甘草

炙

當歸

去苗微炒

細辛

去苗各半兩

熟乾地黄

三分

吳茱萸

湯洗七遍微炒二兩

右為麤散每服三錢水一盞煎至八分細濾去渣熱服空心食前

伏龍肝散治氣血勞傷衝任脉虛經血非時忽然崩下或如豆汁或成血片或五色相雜或赤白相兼臍腹冷痛經久未止令人黃瘦口乾飲食減少四肢無力虛煩驚悸

伏龍肝

即灶中土也

赤石脂

各一兩

芎藭

三兩

艾葉

微炒各二兩

甘草炙

肉桂

去粗皮各半兩

當歸

去苗炒

乾薑

炮各三分

麥冬

去心一兩半

熟乾地黄

酒浸一宿二兩

右為粗散每服四錢水一盞半入棗三個擘破煎至七分去查食前溫服

溫經湯治衝任虛損月候不調或來多不斷或過期不來或崩中去血過多不止又治曾經損娠瘀血停留少腹急痛發熱下利手掌煩熱唇乾口燥及治少腹有寒

久不受胎

阿膠

蛤粉碎炒

當歸

去蘆

芍藥

人參

肉桂

去粗皮

牡丹皮

芍藥

甘草

各二兩

半夏

湯洗七次焙炒

麥門冬

去心五兩半

吳茱萸

湯洗七次焙炒

右為粗末每服三錢水一盞半入生薑五片煎至八

分去渣熱服空心食前服

禹餘糧丸治婦人帶下久虛胞絡傷敗月水不調漸成

崩漏氣虛血竭面黃體瘦臍腹裏急腰膝疼重肢體煩
痛心忪頭眩手足寒熱不思飲食

桑寄生

栢葉

微炒

當歸

去蘆微炒

乾薑

炮

厚朴

去粗皮塗薑汁炙

鼈甲

醋浸去襖炙黃

附子

炮去皮臍

白朮

各二兩

禹餘糧

燒醋淬七遍飛研

白石脂

各二兩

狗脊

去毛

白芍藥

各三分

吳茱萸

湯洗七次炒半兩

右為細末煉蜜和丸如梧桐子大每服三十丸溫酒
或米飲下空心食前服

逍遙散治血虛勞倦五心煩熱肢體疼痛頭目昏重心
忪煩赤口燥咽乾發熱盜汗減食嗜卧及血熱相搏月
水不調臍腹脹痛寒熱如瘧久療室女血弱陰虛榮衛
不和痰嗽潮熱肌體羸瘦漸成骨蒸

甘草

微炙赤
半兩

當歸

去苗剉
微炒

茯苓

去皮
白者

芍藥

白

白朮

柴胡

去苗各
一兩

右為粗末每服二錢水一大盞燒生薑一塊切破薄
荷少許同煎至七分去渣熱服不拘時候

白薇丸補調衝任溫暖子宮治胞絡傷損受風寒久無子息或受胎不牢多致損墜久服去下藏風冷令人有子

秦椒

去目及閉口者微炒出汗

白薇

去苗

熟乾地黄

當歸

去蘆劉微炒

大黃

各一兩七錢半

栢子仁

微炒

人參

桑寄生

附子

炮去皮臍

肉桂

去粗皮

五味子

去梗

吳茱萸

湯浸微炒

石斛

去根

甘草

炙微赤

防風

去苗叉

牛膝

去苗酒浸一宿焙乾

芎藭

各一兩半

牡丹皮

藁本

去苗及土各二兩二錢

禹餘糧

火煨醋淬七遍研二兩

右為細末入研藥勻煉蜜丸如梧桐子大每服三十丸至五十丸溫酒或米飲下空心食前服纔覺妊娘即住服已懷孕者無不宜服之

小白薇丸治婦人衝任虛損子藏受寒久無子息及斷續不產此因上熱下冷百病滋生或月水崩下帶漏五色腰腹疼重而黃肌瘦或因產乳不能將護路廁太早或久坐濕地並冷風從下入血藏既虛風邪內乘或月

水當行失於調攝傷動胞絡陰陽不和上焦虛陽壅燥
下藏邪冷結伏致使胎孕不成冷極傷敗月水不勻飲
食減少夜多盜汗面生黥黥齒搖髮落腳膝疼重舉動
少力並宜服之

覆盆子

去梗

菖蒲

微炒各
三兩

白龍骨

熟乾地黃

川椒

去目及閉口者微炒
出汗各一兩

白薇

去苗各
一兩

蛇牀子

炒

乾薑

炮

細辛

去苗

當歸

去蘆微
炒

車前子

芎藭

各半兩

遠志

去心

桃仁

去皮尖
面炒黃

白茯苓

去皮

葉本

去苗

人參

卷栢

去根

白芷

肉桂

去粗皮
各三分

麥門冬

去心焙
一兩半

右為細末煉蜜和丸如梧桐子大每服三十九溫酒
或米飲下空心食前常服壯筋骨益血氣暖下藏除
風冷令人有子

紫石英丸治婦人久冷無子及數經墮胎皆衝任之脉
虛損胞內宿寒疾病經水不時暴下不止月內再行或
月前月後及子藏積冷虛羸百病崩漏帶下三十六疾

積聚癥瘕臍下冷痛小腹急重小便白濁已上病證皆
令孕育不成以至絕嗣不孕此藥並能生療常服除瘀

血溫子藏令人有孕臨產易生子及生子充實無病

烏賊魚骨

燒灰

山預

甘草

炙各一兩半

天冬

去心焙

紫石英

研各三兩

川烏

炮去皮臍

紫葳

辛夷仁

熟乾地黄

當歸

去蘆微炒

卷柏

去根

石斛

去根

禹餘糧

燒醋淬七遍研

肉桂

去粗皮

芎藭

密蒙花

各二兩

山茱萸

人參

續斷

牡丹皮

桑寄生

厚朴

去粗皮
薑汁炙

細辛

去苗

牛膝

去苗各一
兩一分

栢子仁

微炒別研
一兩半

乾薑

炮一兩
一分

右為細末煉蜜丸如梧桐子大每服三十九溫酒或溫米飲下空心食前日二服

四物湯調益榮衛滋養氣血治衝任虛損月水不調臍腹疼痛崩中漏下血瘕塊硬發歇疼痛妊娠宿冷將理失宜胎動不安血下不止及產後乘虛風寒內搏惡露不下結生瘕聚少腹堅痛時作寒熱

當歸

去蘆酒浸炒

川芎

熟地

酒浸蒸

芍藥

白各等分

右為粗末每服三錢水一盞半煎至八分去渣熱服
空心食前若妊娠胎動不安下血不止者加艾十葉
阿膠一片全煎如前法或血藏虛冷崩中去血過多
亦加膠艾煎

陽起石丸治婦人子藏虛冷勞傷過度風寒結搏久不
受胎遂致絕子不產此藥服之大益子宮消除積冷

陽起石

酒浸半日細研

吳茱萸

湯洗七遍焙微炒

熟地黄

各一兩

牛膝

去苗酒浸焙

乾薑

炮

白朮

各三分

右為細末煉蜜和搗三百杵凡如梧桐子大每服二十丸至三十丸溫酒或溫米飲下空心食前日二服若覺有孕即住服

白朮散調補衝任扶養胎氣治妊娠宿有風冷胎痿不長或失於將理動傷胎氣多致損墜孕懷常服壯氣益血保護胎藏

牡蠣

燒粉二分

白朮

芎藭

各四分

蜀椒

去目及閉口炒出汗三分

右杵為散每服二錢溫酒調服空心食前

膠艾湯治勞傷血氣衝任虛損月水過多淋瀝漏下連日不斷臍腹疼痛及妊娠將攝失宜胎動不安腹痛下墜或勞傷胞絡胞阻漏血腰痛悶亂或因損動胎上搶心奔衝短氣及因產乳衝任氣虛不能約制經血泄瀉不斷延引日月漸成羸瘦

阿膠

碎炒燥

芎藭

甘草

炙各二兩

當歸

艾葉

微炒各三兩

白芍藥

熟乾地黄 各四兩

右為粗末每服三錢水一盞酒六分煎至八分濾去查稍熱服空心食前日三服甚者連夜併服

保生丸養胎益血安和子藏治妊娠將理失宜或因勞役胎動不安腰腹痛重胞阻漏胎惡露時下子藏扶疾久不成胎或受妊不能固養痿燥不長過年不產日月雖滿轉動無力或致損墮及臨產節適乖宜驚動太早產時未至惡露先下及胎胞枯燥致令產難或橫或逆

痛極悶亂連日不產子死腹中腹上冰冷口唇青黑叱
出冷沫新產惡血上衝暈悶不省喘促汗出及瘀血未
盡臍腹疼痛寒熱往來或因產勞損虛羸未復而黃體
瘦心忪盜汗飲食不進漸成蓐勞入月常服壯氣養胎
正順產理潤胎易產產後常服滋養血氣和調陰陽密
媵理實府藏治風虛除痼冷

大麻仁

去皮一兩半

貝母

黃芩

大豆黃卷

粳米

甘草

微炙赤

乾薑

炮

肉桂

去粗皮

石斛去根

石膏

細研各一兩

當歸

去蘆炒半兩

秦椒

微炒出汗一兩

右為細末煉蜜和丸如彈子大每服一九並用溫酒或棗湯化下嚼亦得空心食前服

榆白皮散滑胎易產治妊娠曾因漏胎去血或臨產驚動太早產時未至穢露先下致使胎胞乾燥臨產艱難並宜服之

冬葵子

榆白皮

瞿麥

各一兩

木通

半兩

大麻仁

去殼

牛膝

去苗酒浸焙各三分

右為粗末每服三錢水一盞半煎至八分去渣溫服不拘時

當歸丸治產後虛羸及傷血過多虛竭少氣臍腹拘急痛引腰背面白脫色嗜困不眠唇口乾燥心忪煩倦手足寒熱頭重目眩不思飲食或勞傷衝任內積風冷崩中漏下淋瀝不斷及月水將行腰腿重疼臍腹急痛及治男子婦人從高墜下內有瘀血吐血下血等病

真蒲黃

炒三分

熟乾地黃

十兩

阿膠

搥碎炒

續斷

續斷

當歸

去微微炒

乾薑

炮

甘草

微炙赤

芎藭

各四兩

附子

炮去皮臍

白芷

白朮

各三兩

肉桂

去皮

白芍藥

各二兩

吳茱萸

湯洗七次微炒三兩

右為細末煉蜜和丸如梧桐子大每服二十九食前

以溫酒下漸加至五十丸

當歸建中湯治婦人一切血氣虛損及產後勞復虛羸不足腹中疴痛吸吸少氣少腹拘急痛引腰背時自汗出不思飲食

當歸

四兩

肉桂

去粗皮
三兩

白芍藥

六兩

甘草

炙二兩

右粗散每服三錢水一盞半薑五片棗一枚擘碎同煎至一盞去查熱服空心食前產訖直至滿月每日三服令人丁壯

大通真丸治氣血勞傷榮衛不足寒客經絡侵傷腑臟月水不調臍腹疼痛容顏萎黃肢體瘦弱脇肋虛脹頭目眩重心忪短氣食減嗜卧及因產勞傷虛羸不復風冷邪氣乘虛客搏腸脇肘痛肢體疲倦乍起乍卧漸成

勞損並宜服之產後百日内每日常服能除宿血養新血益氣補虛調和衝任不生諸疾

蒼朮

泔浸一宿微炒

蟬殼

去嘴脚微炒

甘草

微炙赤

白朮

白蕪荑

微炒

白薇

芎藭

藁本

微炒

乾薑

炮

蠶紙

燒灰二兩半

人參

去蘆

防風

去苗又

石膏

研飛

當歸

去蘆微炒

附子

炮去皮臍

澤蘭

葉

桔梗

去苗

栝子仁

微炒別研

白芷

各一兩

白芍藥

厚朴

去粗皮薑汁炙

山茱萸

各三分

川椒

去目閉口者微炒出汗一兩

右件搗羅為末煉蜜為丸每一兩二錢分十九每服
一丸食前當歸酒研下

半夏茯苓湯治妊娠惡阻心中憤悶頭目眩暈四肢怠
惰百節煩疼胸膈痰逆嘔吐惡心嫌聞食氣好噉鹽酸
多卧少起全不進食

旋復花

陳皮

去穢麴炒

桔梗

白芍藥

人參

甘草

微炙赤

芎藭

各半兩

熟地黃

酒浸

赤茯苓

去皮各三分

半夏

湯洗十遍切焙一兩一分

右挫為末每服二錢水一盞半生薑四片同煎至八分去查稍熱服食前服次服茯苓丸即痰水消除便能食

茯苓丸治妊娠阻病心中煩憤頭目眩重憎聞食氣嘔逆吐悶顛倒不安四肢困弱不自勝持常服此藥消痰水令能食強力養胎當先服半夏茯苓湯次進此藥

葛根

枳實

去穰麩炒黃

白朮

甘草

炙各二兩

赤茯苓

去皮

人參

乾薑

肉桂

去粗皮

陳皮

半夏

湯洗十遍去滑切焙
各一兩

右為細末煉蜜和為丸如梧桐子大每服三十九溫
米飲空心下食前服

催生丹治產婦生理不順產育艱難或橫或逆並宜服
之神效

射香

別研

乳香

別研極
細一分

母丁香

取末
一錢

兔腦髓

臘月者去皮膜研

右拌勻以兔腦和丸如雞頭穰大陰乾用油紙密封

貯每服一丸溫水下即時產下隨男左女右手中握藥丸出是驗

芎藭湯治產後去血山崩暈悶不省及傷胎去血多崩中去血多金瘡去血多拔牙齒去血多不止懸虛心煩眩暈頭重目暗耳聾滿塞舉頭傾倒並皆治之

當歸

去蘆洗焙

芎藭

各等分

右粗散每服三錢水一盞半煎至八分去渣熱服蒲黃散治產後惡露不快血上搶心煩悶滿急昏迷不

省或狂言妄語氣喘欲絕

乾荷葉炙

牡丹皮

玄胡索

生乾地黄

甘草

炙各三分

蒲黃

生二兩

右為粗末每服二錢水一盞入蜜少許同煎至七分去滓溫服不拘時候

當歸散治產後敗血不散兜枕塊硬疼痛發歇及新產乘虛風寒內搏惡路不快臍腹堅痛

紅藍花

鬼箭

去中心木

當歸

去苗炒各一兩

右為粗散每服三錢酒一大盞煎至七分去滓粥食
前溫服

牛膝湯治產兒已出胞衣不下臍腹堅滿脹急疼痛及
子死腹中不得出者亦宜服之

滑石 八兩 當歸 去苗酒浸 木通 各六兩 瞿麥

牛膝 去苗酒浸焙 冬葵子 各四兩 五兩

右為粗散每服三錢水兩盞煎至八分去滓稍熱服
不拘時

四順理中丸治新產血氣俱傷五藏暴虛肢體羸乏少
氣多汗纔產直至百晬每日常服壯氣補虛調養藏氣
蠲除餘疾消穀嗜食

甘草

炙微赤
二兩

人參

去蘆

乾薑

炮

白朮

各一
兩

右細末煉蜜丸如梧桐子大每三十九丸米飲湯下空
心食前

漏蘆散治乳婦氣脉壅塞乳汁不行及經絡凝滯乳內
脹痛留畜邪毒或作癰腫此藥服之自然內消乳汁通

行

漏蘆

二兩半

括萎

十個急火燒焦存性

蛇蛻

炙十條

右為細散每服二錢溫酒調服不拘時良久喫熱羹湯投之

大聖散治婦人血海虛冷久無子息及產後敗血衝心中風口噤子死腹中擘開口灌藥須臾生下便得無恙治墮胎腹中絞刺疼痛橫生逆產胎衣不下血暈血癖血滯血奔血入四肢應血藏有患及諸種風氣或傷寒

吐逆欬嗽寒熱往來遍身生瘡頭痛惡心經脈不調赤
白帶下乳生惡氣胎藏虛冷數曾墮胎崩中不定因此
成疾室女經脈不通並宜服之常服煖子宮和血氣悅
顏色退風冷消除萬病無療丈夫五勞七傷虛損等病

澤蘭

葉

石膏

研各二兩

卷栢

去根

白茯苓

去皮

防風

去蘆

厚朴

去粗皮薑汁炙

細辛

去苗

栢子仁

微炒

桔梗

吳茱萸

湯洗七次焙炒各二兩

五味子

揀淨

人參

藁本

去苗

乾薑

炮

白芷

白朮

黃芪

去苗

川椒

去目閉口者微炒出汗

川烏

炮去皮臍

丹參

各三分

蘇莢

微炒赤

甘草

炙

川芎

芍藥

當歸

各一兩三分

白薇

阿膠

碎炒燥各半兩

肉桂

一兩一分

生乾地黃

一兩

右為細末每服二錢空心臨卧熱酒調下若急疾有

患不拘時候日三服

黑神散治婦人產後惡露不盡胞衣不下攻衝心胃痞滿或臍腹堅脹撮痛及血暈神昏眼黑口噤產後瘀血

諸疾並皆治之

乾薑

炮

甘草

炙

芍藥

蒲黃

黑豆

炒半升
去皮

熟乾地黄

酒浸

當歸

去蘆
酒浸

肉桂

去粗皮
各四兩

右為細末每服二錢酒半盞童子小便半盞全煎調下急患不拘時候連進二服

油煎散治婦人血風勞形容憔悴肢節困倦喘滿虛煩
喻喻少氣發熱汗多口乾舌澀不思飲食

五加皮

牡丹皮

赤芍藥

當歸

去蘆
各一兩

右為末每服一錢水一盞將青銅錢一文蘸酒入藥煎七分溫服煎不得攪喫不得吹日三服常服能肥婦人其效妙甚

滋血湯治婦人勞傷過度致傷藏府衝任氣虛不能約制其經血或暴下謂之崩中或下鮮血或下瘀血連日不止淋瀝不斷形羸氣劣倦怠困乏並能治之

又方見後

赤石脂

火煨紅

海螵蛸

去殼

側柏

去枝各五兩

右為細末每服二錢用熱飯飲調下一日連進三服

即愈並不拘時此藥功效不可盡述

烏金散治婦人久無子息及數墮胎皆因衝任之脉宿挾病疾經水不時暴下不止月內再行或月前月後或淋瀝不斷及子藏積冷崩漏帶下臍下冷痛小腹急重已上疾證皆令孕育不成及頭目昏眩心忪短氣並能療之

又方
見後

敗稜

烏梅

乾薑

三味並燒存性
各五兩

右為細末每服二錢至三錢煎烏梅湯調下崩漏甚

者日三四服並空心食前服

暖宮丸治衝任虛損下焦久冷臍腹疔痛月事不調或來多不斷或過期不至或崩中漏血赤白帶下或月內再行淋瀝不止帶下五色經脉將至腰腿沉重痛連臍腹小便白濁面色萎黃肢體倦怠飲食不進漸至羸弱及治子宮久寒不成胎孕

生硫黃

六兩

禹餘糧

醋淬手撚為度
九兩

附子

炮去皮臍

赤石脂

火煨紅

海螵蛸

去殼各
二兩

右為細末以醋糊和丸如梧桐子大每服十五丸至
二十九空心食前溫酒下或淡醋湯亦得

琥珀澤蘭煎治婦人三十八種血氣八風五痺七疰八
瘕心腹刺痛中風癰瘕手足痠疼乳中結瘕妊娠胎動
死胎不出產衣不下敗血湊心頭旋眼花血暈自汗四
肢浮腫衝任久虛絕產無嗣早晚服食或因有子經脉
不調赤白帶下惡心嘔逆身體瘦倦懷胎入月一日一
服胎滑易產

紫巴戟

去心 糯米炒

五茄皮

去心

劉寄奴草

去枝

茴香

炒

五味子

去梗

赤芍藥

生地黄

洗去蘆

白芷

澤蘭葉

去梗

白芍藥

熟地黄

洗去土

白朮

川當歸

酒浸一宿

人參

去蘆

附子

炮去皮臍

牡丹皮

去心

川芎

金石斛

去根剉酒浸炒

艾葉

醋炒糯米糊調成餅焙乾為末

右為細末煉蜜丸如彈子大每服一九用溫酒磨下
漏胎刺痛煮糯米飲下寒熱往來四肢煩疼煎青蒿

酒下寒熱往來四肢煩疼煎青蒿酒下婦人室女經
血不通煎紅花酒下血暈不省人事童子小便和暖
酒下催生雞子清和酒下血氣血塊攻刺心腹燒秤
錘淬酒下傷寒及中風口噤煎麻黃湯下用被蓋出
汗即愈心驚悸及頭疼薄荷酒下咳嗽煎桑白皮湯
下血風攻注渾身瘙癢頭面麻痺炒黑豆浸酒下產
前產後常服不生諸疾神效

安胎飲治姙娠三月四月至九個月惡阻病者心中憤

悶頭重目眩四肢沉重懈怠不欲執作惡聞食氣欲啖
鹽酸多睡少起嘔逆不食或胎動不安非時轉動腰腹
疼痛或時下血及妊娠一切疾病並皆治之 又方見後

地榆

甘草

微炙赤

茯苓

去皮

川芎

當歸

去蘆酒浸洗

白朮

半夏

湯洗七次

黃耆

去苗

阿膠

搗碎麩炒

白芍藥

熟地黄

各等分酒洗酒蒸焙

右為粗散每服三錢水一盞半煎至八分去渣溫服
不拘時如或惡食但以所思之物任意與之必愈按

妊娠禁忌勿食雞鴨子鯉魚膾兔犬驢驘山羊肉魚
子鼈卵雉雀桑椹又按胎教論云令母常居靜室多
聽善言聽人講論詩書陳說禮樂耳不聽非言目不
視惡事心不起邪念能令生子龐厚福壽忠孝仁義
聰明無疾斯乃聖人所留教論故隨方狀以書

神仙聚寶丹治婦人血海虛寒外乘風冷搏結不散積
聚成塊或成堅瘕及血氣攻注腹脇痛疼小腹急脹或
時虛鳴面色痿黃肢體浮腫經候欲行先若重病或多

或少帶下赤白崩漏不止驚悸健忘小便頻數或下白水時發虛熱盜汗羸瘦此藥不問胎前產後室女並宜服之常服安心神去邪氣逐敗血養新血令人有子

沒藥

別研

琥珀

別研

木香

煨令取末
各一兩

乳香

別研
一分

辰砂

別研

麝香

別研各
一錢

當歸

洗焙取末
一兩

右研令細和停滴冷熟水搗為丸每一兩作一十五丸每服一丸溫酒磨下胎息不順腹內疼痛一切難產溫酒和童子小便磨下產後血暈敗血奔心口噤

舌強或惡露未盡發渴面浮煎烏梅湯和童子小便
磨下室女經候不調每服半丸溫酒磨下不拘時候
服

洗洗丸治婦人衝任虛寒胎孕不成或多損墮

澤蘭葉

白朮

各一兩半

肉桂

去粗皮

乾薑

炮各半兩

熟地黄

洗焙

當歸

洗焙各二兩

川芎

石斛

酒浸剉炒

白芍藥

丹皮

去心

玄胡索

各一兩

右為細末醋煮麴糊丸如梧子大每服五十丸溫酒

空心下

人參鼈甲凡治婦人一切虛損肌肉瘦瘠盜汗心忪欬嗽上氣經脉不調或作寒熱不思飲食

杏仁

湯浸去皮尖炒

人參

當歸

洗焙

赤芍藥

甘草

炙

柴胡

去苗

桔梗

去蘆各一兩

地骨皮

宣黃連

去鬚

胡黃連

各一分

肉桂

去粗皮

木香

各半兩

麝香

別研半錢

鼈甲

一枚可重二兩者醋炙黃色為度

右為細末用青蒿一斤研爛絞取汁童子小便五升

酒五升全熬至二升以來次入真酥三兩白沙蜜三兩再熬成膏冷方下衆藥末搜和令勻圓如梧桐子大每服五十九溫酒送下不拘時候

濟危上丹

保慶集第二十一論

論產後所下過多虛極生風者蓋

皆緣婦人以榮血為主因產血下太多氣無所主唇青肉冷汗出目瞑神昏命在須臾者不可誤用風藥急宜服此

太陰玄精

五靈脂

去沙石

硫黃

老紅色者

乳香

研

已上四味各等分慢火炒焙結成研砂極細

桑寄生

須要
真者

陳皮

去白淨

阿膠

蛤粉炒

卷栢

去根
生用

已上四味各等分修事了焙乾為末

右八味同研用生地黃汁和搗一千下丸如梧桐子
溫酒或當歸酒下二十九食前服

琥珀黑龍丹治產後一切血疾淋露不快兇枕不散積
瘕堅聚按之攪手疼痛攻心困頓垂死者但灌藥無有
不效驗不可言

五靈脂

去沙石

當歸

去蘆

川芎

乾地黃

生者

良薑

已上各等分入沙鍋內赤石脂泔縫紙筋鹽泥

固濟封合炭火十斤煅通紅去火候冷開取鍋

子看成黑糟乃取出細研入後藥一本云用

椽頭沙合

花乳石

煨

琥珀

研各一錢

乳香

別研

硫黃

研各一錢半

百草霜

別研五錢

右同為細末米醋煮糊丸如彈子大每服一丸炭火
燒通紅投生薑自然汁與無灰酒各一合小便半盞
研開頓服立效

南嶽夫人濟陰丹治婦人血氣久冷無子及數經墮胎
皆因衝任之脉虛損胞內宿挾疾病經水不時暴下不
止月內再行或前或後或崩中漏下三十六疾積聚癰
瘕臍下冷痛小便白濁以上疾證皆令孕育不成以至
絕嗣治產後百病百日内常服除宿血生新血令人有

孕及生子充實亦治男子亡血諸疾

秦朮

石斛

去根酒浸焙

藁本

去蘆

甘草

炙

蠶布

燒灰

桔梗

炒各二兩

京墨

煨醋淬研

茯苓

去皮各一兩

人參

去蘆二兩

木香

炮二兩

桃仁

去皮尖炒一兩

香附

炒去毛

澤蘭

去梗各四兩

熟乾地黄

洗過酒蒸焙四兩

當歸

去蘆

肉桂

去粗皮

乾薑

炮

細辛

去苗

川芎

牡丹皮

各一兩半

山藥

川椒

去目炒各三分

蒼朮

泔浸去皮八兩

大豆黃卷

炒半升

糯米

炒一升

一本山藥川椒各云三兩

右為細末煉蜜投每兩作六丸每服一九細嚼空心
食前溫酒醋湯任下

琥珀黑散治產婦一切疾病產前胎死產難橫生逆生
產後胞衣不下衣帶先斷遍身疼痛口乾心悶非時不
語如血暈眼昏誤以為暗風乍寒乍熱誤以為瘧疾四
肢浮腫誤以為水氣言語顛狂乍見鬼語神誤以為邪
祟腹脇脹滿嘔逆不定誤以為翻胃大便秘澀小便出

血誤以為五淋及惡露未盡經候未還起居飲食便不
戒忌血氣之疾聚即成塊散即上衝氣急心疼咳嗽多
睡四肢虛熱睡驚盜汗崩中癥瘕繞臍刺痛或即面赤
因變骨蒸皆宜多服若產後鼻衄口鼻黑色氣起喉中
喘急中風口噤皆為難治須急服之凡產前宜進一兩
服能安神順胎產後雖無疾七日內亦進一二服能散
諸病或因驚恐變生他證當連服取效

琥珀

別研

硃砂

別研

百草霜

別研各
半兩

射香

研一
分

松木燒

黑衣灶屋塵是也

血猫灰鯉魚鱗是也燒為末各半兩

川當歸

白僵蠶炒去絲嘴各一分

新羅白附子炮半兩

右為末每服二錢炒薑溫酒和童子小便調下食前滑胎枳殼散治婦人胎氣不足能令胎滑易產常服養胎益氣安和子藏治胎中一切惡疾

枳殼去穰炒二兩

甘草燼六兩

右為細末每服一錢空心沸湯點服入月日進三服茂香散治婦人血風藏氣頭目昏暈心煩怔忡手足

熱疼經候不調臍腹時痛或多便利飲食減少並宜服之

天台烏藥

三稜

煨

蓬朮

煨

天麻

川當歸

去蘆

荊芥穗

桂心

不見火

玄胡索

厚朴

薑汁製炒

附子

炮去皮臍各一兩

右為細末每服一錢生薑汁少許和溫酒調下

竹茹湯治妊娘擇食嘔吐頭疼眩運顛倒痰逆煩悶四肢不和並宜服之

橘紅淨去白人參

白朮各一兩白茯苓

厚朴

薑汁製各半兩

甘草一分

麥門冬

去心一兩

右為麤末每服三錢水一盞生薑五片入竹茹一塊如彈子大同煎至七分去查服之

琥珀丸治婦人或老或少產前產後百病及療三十六種血冷七疝八瘕心腹刺痛卒中癰瘕半身不遂八風十二痺等手足酸疼乳中毒結瘀血懷胎驚動傷犯不安死胎不出并衣不下並宜服之

琥珀

研

辰砂

別研

沉香

阿膠

碎炒

肉桂

去粗皮

石斛

去根

附子

炮去皮

五味子

揀淨

川芎

各半兩

牛膝

去苗酒浸一宿

當歸

去苗炒

人參

肉蓯蓉

切酒浸一宿焙

續斷

沒藥

研各分

熟地黄

木香

各一兩

右為細末煉蜜為丸如彈子大每服一九空心煖酒調下午晚食前再服能生精血去惡血若人腹脇疼痛繞臍如刀刺及嘔逆上氣築心痰毒不思飲食用

薑汁少許和酒服諸痢及赤白帶血冷崩中下血漏
胎下血用生薑與艾剉炒令赤色入酒全煎數沸去
查調服洩瀉不止陳米飲服瀉尿諸淋煎通草燈心
湯服血暈不知人煎當歸酒調服上焦下冷濃煎人
參湯服徧身虛腫水氣煎赤小豆湯服產內二毒傷
寒及中風角弓反張身如板硬煎麻黃湯服使被蓋
出汗月經不通或間雜五色頻併而下斷續不止飲
食無味肌膚瘦劣面赤唇焦乍寒乍熱四肢煩疼五

心燥熱黑黥徧身血班赤腫走注及血風勞傷無力
用童子小便入薑汁少許調服常服以小便為妙若
恐惡心和以半酒如懷胎人於入月一日一服至產
下不覺疼痛或病人服至五服十服日倍飲是藥功
成矣其功不能具載畧述急用湯使于前

鰓血丸治婦人血海虛冷百病變生氣血不調時發寒
熱或下血過多或久閉不通崩中不止帶下赤白臧瘕
癖塊攻刺疼痛小腹緊滿脇肋脹痛腰重脚弱面黃體

虛飲食減少漸成勞狀及經脈不調胎氣多損產前產後一切病患無不治療

菊花

去梗

茴香

香附

炒酒浸一宿焙

芍藥

當歸

肉桂

去粗皮

牛膝

蒲黃

熟乾地黄

玄胡索

炒

蓬朮

各三兩

右為細末用烏豆一升醋煮候乾焙為末再入醋二碗煮至一碗留為糊丸如梧桐子大每服二十九溫酒或醋湯下血氣攻刺炒薑酒下癥塊絞痛當歸酒

下忌鴨肉羊血此藥煖子宮能令有子

內灸散治婦人產前產後一切血疾血崩虛憊腹脇疔
痛氣逆嘔吐冷血冷氣凝積塊硬刺痛泄下青白或下
五色腹中虛鳴氣滿堅脹瀝血腰疼口吐青水頻產血
衰顏色青黃勞傷劣弱月經不調下血墮胎血迷血運
血瘕時發疼痛頭目眩暈惡血上心悶絕昏迷惡路不
乾體虛多汗手足逆冷並宜服之

茴香

藿香

丁香皮

各一兩半

山藥

當歸 去蘆洗

白朮

白芷 各八兩 藁本 去蘆

乾薑 炮

川芎

黃芪 去苗各二兩 木香 一兩

陳皮 去白四兩

白芍藥 十兩

熟乾地黄 洗焙

肉桂 去粗皮各一兩半

右為細末每服三錢水一盞入生薑五片陳艾一團
同煎至七分空心食前熱服溫酒調下亦得如產後
下血過多加蒲黃煎服惡露路不快加當歸紅花煎服
水瀉加白豆蔻末煎服嘔吐加藿香生薑煎上熱下

冷加荊芥煎但是腹中虛冷血氣不和並宜服產後
每日一服則百病不生丈夫虛冷氣刺心痛腹疼尤
宜服之

烏雄雞煎治婦人胎前產後諸般疾患並皆治之

烏雄雞

一個

烏藥

石牀

牡丹皮

人參

去蘆

白朮

黃芪

各一兩

川烏

炮

海桐皮

肉桂

去粗皮

附子

炮去皮

白芍藥

紅花

陳皮

蓬莪朮

各二兩

木香

玄胡索

琥珀

草果

肉豆蔻

熟地

洗焙各半兩

蒼朮

米泔浸切焙一兩半

右細剉用烏雄雞一隻湯搗去毛及腸肚將上件藥
安放雞肚中用新麴餅好酒一斗全煮令乾去雞骨
以油單盛焙乾為細末煉蜜為丸如梧桐子大每服
三十丸胎前產後傷寒蜜糖酒下胎前氣悶壯熱炒
薑酒下赤白帶下生薑地黃煮酒下產後敗血攻心
童子小便炒薑酒吞下產後血塊攻築心腹疼痛玄

胡索酒下胎前嘔逆薑湯下催生炒蜀葵子酒下安
胎鹽酒下室女經脉當通不通四肢疼痛煎紅花酒
下血氣攻刺心腹疼痛當歸酒下血暈梭櫚燒灰酒
調吞下血邪研硃砂麝香酒下血悶煎烏梅湯研硃
砂下子宮久冷溫酒或早湯下空腹日一服血風勞
人參酒吞下小腹疔痛炒茴香鹽酒下血散四肢遍
身虛浮黃腫赤小豆酒下常服溫酒醋湯任下並空
心食前服

白聖丹治婦人三十六病崩中漏下身瘦手足熱惡風
怯寒咳逆煩滿抑急短氣心脇腰背腹肚與子藏相引
痛漏下五色心常恐懼遇恚怒憂勞即發皆是內傷所
致並皆治之

牡蠣

煨研

細辛

去苗

烏賊魚骨

燒灰

龍骨

煨研

白薇

白石脂

煨

禹餘糧

煨醋淬九遍研
各一兩半

芍藥

石韋

去毛

白薇

白芷

瞿麥

附子

炮去皮
臍

黃連

去毛

茯苓

去皮

肉桂

去粗皮

當歸

去苗

乾薑

炮

人參

甘草

炙各一兩

川椒

去目及閉口者炒出汗半兩

右為細末煉蜜丸如梧桐子大每服三十丸至五十

丸空心溫酒下

暖宮丸治證與前暖宮丸同

沙參

洗淨

地榆

黃芪

桔梗

白薇

牛膝

酒浸一宿

杜仲

去粗皮薑汁炙

白芷

厚朴

去粗皮薑汁炒各半兩

乾薑

炮

細辛

去苗

蜀椒去核閉口炒出汗
各一分

附子大者去皮臍
一個

右為細末煉蜜丸如梧桐子大每服二十三十丸空
心溫酒或棗湯吞下及療婦人子宮久寒不成胎孕
滋血湯治婦人血熱氣虛經候澀滯不通致使血聚肌
體麻木肌熱生瘡渾身疼痛將成勞瘵不可妄服他藥
但宜以此滋養通利治證與前滋血湯同可互觀之

馬鞭草

荊芥穗各四兩

牡丹皮一兩赤芍藥

枳殼去心
麩炒

肉桂去粗皮

當歸去苗
炒川芎各二兩

右粗散每四錢烏梅一個水二盞煎一盞去查食前
空心日四五服有此證服至半月或一月經脉自通
百病皆除神效

安胎飲治證品味與前安胎飲同

一方無半夏地榆有人參桑寄生

一方無白朮黃芪半夏地榆有艾葉

並各等分

右為粗散每服四錢水一盞半煎至八分去查溫服
不拘服時

盛陰丹治婦人血海久虛藏腑怯弱風冷邪氣乘虛客搏臍腹冷痛大便時泄或子藏挾寒久不成孕月水不調乍多乍少或月前月後淋瀝不止帶下五色或閉斷不通結聚疝瘕面體少色飲食進退肌肉消瘦百節酸疼時發寒熱月水將行臍腹先痛皮膚燥澀面生黥黥頭皮腫痒髮隨梳落或產後勞損未復顏色枯瘁飲食無味漸成蓐勞並能治之

方與前南嶽魏夫人濟陰丹同

妙應丹

一名延齡丹

治婦人衆病無所不治

晚蠶沙

炒

鯉魚鱗

燒為末

當歸

去蘆

石膏

煨研

澤蘭

去梗

附子

炮去皮臍

木香

炮各二兩

川芎

防風

去蘆叉

蕪荑

炒

馬牙硝

燒

人參

黃芪

川椒

微炒

栢子仁

微炒別研

白薇

蟬蛻

去尾洗焙

檳榔

不見火各一兩

厚朴

去粗皮薑製

藁本

白薑

炮

甘草

炙赤各三兩

吳茱萸

湯洗七次

紅花

炒各半兩

熟乾地黄

洗酒浸蒸焙一兩

右為末煉蜜溲和杵數千下丸如彈子大每服一九
血瘕塊痛綿灰酒下催生溫酒吞細下血勞血虛枯
梗酒下血崩椶櫚灰酒下血氣痛炒白薑酒下血風
荊芥酒下血暈悶絕胎死腹中胞衣不下並用生地
黃汁童子小便酒各一盞煎二沸調下常服醋湯溫
酒化下並空心食前服

人參養血湯九治女人稟受怯弱血炁虛損常服補衝
任調血脉宣壅破積退邪熱除寒痺緩中下堅脹安神

潤顏色通蒸散悶無治婦人懷身腹中絞痛口乾不食
崩傷眩暈及產出月羸瘦不復常者

烏梅肉

三兩

熟乾地黃

五兩

當歸

去苗三兩

人參

川芎

赤芍藥

菖蒲

微炒各一兩

右為細末蜜搜杵數千下丸如梧桐子大每服五十
丸至百丸溫酒米湯下食前服

牡丹散治血虛勞倦五心煩熱肢體疼痛頭目昏重心
忪頰赤口燥咽乾發熱盜汗減食嗜卧及血熱相搏月

水不利臍腹脹痛寒熱如瘧又治室女血弱陰虛榮衛不和痰嗽潮熱肌體羸瘦漸成骨蒸

乾漆

炒二兩

蕪木

鬼箭各一分

桂心

甘草

半鹽湯炙半生

當歸

牡丹皮

芍藥

陳皮

去白

紅花

玄胡索

炒

烏藥

沒藥

別研令細各一兩

蓬莪朮

炮一分

右為末每服二錢水一盞煎至七分不拘時候

紅花當歸散治婦人血藏虛竭或積瘀血經候不行或斷續不定時作腹疼腰胯疼重攻刺小腹緊硬室女月經不通並宜服之

劉寄奴草

五兩

當歸

去蘆

牛膝

酒浸

甘草

炙

紫葳

紅花

蘇木

各二兩

白芷

肉桂

去粗皮各一兩半

赤芍藥

九兩

右為細末每服三錢熱酒調下空心臨卧各一服若血久不行濃煎紅花酒調下有孕不可服

烏金散治產後血迷血暈敗血不止淋瀝不斷臍腹疼痛頭目眩無力多汗又治崩中下血過多不止者並宜服之

麒麟竭

百草霜

亂髮

要男子者燒灰

玄胡索

鯉魚鱗

燒為末

松墨

煨醋淬

當歸

去蘆

赤芍藥

肉桂

去粗皮

右等分搗羅為末每服三錢溫酒調下

艾煎丸治崩傷淋瀝小腹滿痛

人參

川芎

菖蒲

節蜜炒
各一兩

當歸

山茱萸

湯洗各
七錢半

熟乾地黄

芍藥

白各一
兩半

熟艾

糯米飲調作餅焙乾
四兩

右為末煮酒糊為丸如梧桐子大每服五十九酒飲

任下常服補榮衛固經脉

當歸芍藥散治妊娘腹中絞痛心下急滿及產後血暈
內虛烝之崩中久痢並宜服之

當歸

茯苓

去皮

白朮

各二
兩

川芎

澤瀉

各四兩

白芍藥

八兩

右為末每服二錢溫酒調下食前服常服通暢血脉
不生癰瘍消疾養胃明目益津

調經散治產後敗血乘虛停積於五藏循經流入於四肢
留滯日深腐壞如水漸致身體面目浮腫又治因產
敗血上干於心不受觸致心煩燥卧起不安如見鬼神
言語顛倒並宜服之

當歸

去蘆

肉桂

去粗皮

沒藥

別研

琥珀

別研

赤芍藥

各一兩

細辛

去苗

麝香

別研各半兩

右搗為細末入研藥勻每服一錢溫酒入生薑汁少許調勻服大抵產後虛浮醫人不識便作水氣治之及治水氣多以導水藥極是虛人夫產後既虛又以藥虛之是謂重虛徃徃因致枉夭但服此藥血行腫消即愈

調中湯治產後腸胃虛極寒邪所侵及未滿月飲冷當風乘虛襲留於盲膜散於腹脇腹痛作陣或如錐刀所

刺流入大腸水穀不化洞瀉腸鳴或下赤白胕脇腹脹
或走痛不定急宜服之

當歸

肉桂

去粗皮

川芎

白芍藥

附子

炮

良薑

各一兩

甘草

炙半兩

右為剉散每服三錢水三盞煎至一盞去滓熱服

旋覆湯治產後傷風感寒暑濕欬嗽喘漏痰涎壅塞坐
卧不寧

旋覆花

前胡

麻黃

去節

甘草

炙

赤芍藥

杏仁

去皮尖
麩炒

茯苓

去皮

荊芥

去梗

五味子

半夏

右各等分為粗末每服四大錢水一盞半薑五片棗

一枚煎至七分去查食前服

黑龍丹治證品味與前琥珀黑龍丹同

人參當歸散治產後去血過多血虛則陰虛陰虛生內
熱內熱曰煩其證心胸煩滿呼吸短氣頭痛悶亂骨節
疼痛晡時輒甚與大病後虛煩相類急宜服之

乾地黄

人參

當歸

肉桂

去粗皮

麥門冬

去心各一兩

白芍

二兩

右為粗散每服四大錢水二盞先將粳米一合淡竹葉十片煎至一盞去米葉入藥并棗三枚煎七分去查食前服地黄宜生乾者虛甚則用熟者

當歸養血丸治產後惡血不散發歇疼痛及惡露不快
臍腹堅脹無室女經候不勻赤白帶下心腹腰脚疼痛

當歸

丹皮

赤芍藥

玄胡索

炒各二兩

肉桂 一兩

右為細末蜜丸如梧桐子大溫酒米飲下三十九食
前溫服痛甚細嚼嚥下

四神散治產後留血不消積聚作塊急切疼痛猶如遁
尸及心腹絞痛作痢

當歸

乾薑 炮

川芎

赤芍藥

右等分搗為末每服二三錢溫酒調下

當歸黃芪湯治產後腰脚疼痛不可轉側壯熱自汗體

強氣短

當歸

去苗
三兩

黃芪

芍藥

各二
兩

右粗末每四大錢水一盞半薑五片煎七分去渣食

前溫服

神授散治產後一切疾病不問大小以至危篤者

陳橘皮

去白

牡丹皮

桂心

青皮

去白

白芍藥

各五
兩

紅花

一兩
半

百合

水浸洗

乾薑

炮

炙甘草

當歸

川芎

各二
兩半

神麴

炒

人參

去蘆

麥蘖

炒各
三兩

右為末每服二錢水一盞薑三片棗一個煎至七分

空心服孕婦不宜服一本不用紅花

小地黃丸治妊娠酸心吐清水腹痛不能飲食

人參

去蘆

乾薑

炮各
等分

右為末用生地黃汁丸如梧子大每服五十丸米湯

下食前服

交感地黃煎丸治婦人產前產後眼見黑花或即發狂

如見鬼狀胞衣不下失音不語心腹脹滿水穀不化口
乾煩渴寒熱往來口内生瘡咽中腫痛心虛忪悸夜不
得眠產後中風角弓反張面赤牙關緊急崩中下血如
豚肝狀臍腹疔痛血多血少結為癥瘕恍惚昏迷四肢
腫滿產前胎不安產後血刺痛皆治之

生地黄

淨洗研以布裂汁留查以生薑汁炒地黄查以地黃汁炒生薑查各至乾焙為末為

度

生薑

淨洗爛研以布裂汁留查

各二斤 玄胡索

拌糯米炒赤去米

當歸

去苗

琥珀

別研各一兩

蒲黃

炒香四兩

右為末蜜丸彈子大當歸湯化下一丸食前服

加減吳茱萸湯證治與吳茱萸湯同此方極妙

防風

去蘆
又

乾薑

炮

當歸

去蘆酒
浸炒

牡丹皮

桂心

不見
火

茯苓

去皮

甘草

炙

麥門冬

去
心

半夏

湯洗
七次

桔梗

炒

細辛

去苗各
一兩

吳茱萸

湯洗
三兩

七次炒

右為粗末每服四錢水一盞半煎七分去查食前熱

服

熟乾地黃湯治產後虛渴不止少炁脚弱眼昏頭眩飲食無味

熟乾地黃

淨洗酒浸蒸焙一兩

人參 三兩

甘草 炙半兩

括蕒

四兩

麥門冬 去心二兩

右為剉散每服四錢水二盞糯米一撮生薑三片棗三枚煎七分去查食前服

阿膠枳殼丸治產後虛羸大便秘澀

阿膠 碎炒

枳殼

浸去穰麩炒各二兩

滑石

研飛為衣半兩

右為末煉蜜丸如梧桐子大每服二十九溫水下半日來未通再服

失笑散治產後心腹痛欲死者百藥不愈效服此頓愈

蒲黃

炒香

五靈脂

酒研淘去沙土各等分為末

右先用醞醋調二錢熬成膏入水一盞煎七分食前熱服

增損四物湯

易簡方

治婦人炁血不足四肢怠惰乏力少

炁兼治產後下血過多榮衛虛損陰陽不和乍熱並皆

服之

當歸

川芎

人參

乾薑

炮

甘草

炙

白芍藥

各等分

右咬咀每服四錢水一盞煎至六分去查熱服若產後寒熱腹中刺痛則有敗血當用五積散加醋煎及大聖散服之若所下過多猶有刺痛亦宜服此二藥一方治經血凝滯腹內血炁作疼用四物湯加莪朮官桂等分名六合湯一方治下血不止及妊婦胎動

加熟艾乾薑甘草阿膠黃芪等分名膠艾湯一法治
血利止加膠艾治產後血搏口乾煩渴加括萎麥門
冬煩熱小便澀大便秘加大黃桃仁湯脇脹加厚朴
枳實虛煩不得睡加竹葉人參大渴煩燥加知母石
膏一方治婦人血虛心腹疼痛不可忍者去地黃加
乾薑名四神湯大率產後不問下血多少須日進黑
神散三服下血少者以大聖散間之至二臘以後腹
內畧無疼痛方服四物湯建中湯之類若早服之則

補住散血為後患不淺黑神大聖非逐血藥但能推
陳致新多服不妨今人徃徃疑其逐血性寒則不然
看其用藥可見矣若惡血去多徐徐補之亦不為晚
不可姑息以貽後患且如古方用四順理中丸為產
後進食之劑既用蜜丸又倍甘草其甜特甚豈能快
脾不若只用理中湯少損甘草素有痰飲者二陳湯
之類服之為佳且如妊婦惡阻古方有茯苓丸茯苓
湯內有地黃竹茹川芎輩定能定嘔服之則愈見增

極大抵惡阻皆由素有痰飲以致之可用二陳湯改
名小茯苓湯用之極效不可不知

成煉鍾乳散治乳婦炁少血衰脉澀不行乳汁絕少

鍾乳粉

右用燒煉者每服二錢濃煎蘆漏湯調下

猪蹄湯治娠婦炁少血衰脉澀不行絕無乳汁

猪蹄一隻

通草五兩

右將猪蹄淨洗依食法事治次用水一斗用通草浸

煮得四五升取汁飲如乳不下再服之為妙

產圖

入月安產圖 凡產於入月一日貼在卧閣內正地壁
凡安產藏衣方位並於卧閣內分布 凡逐月安產
藏衣避忌神殺方位隨節炁更換候交得次月節即換
次月產圖 凡產訖棄潑穢污不淨之水並隨藏衣之
方所向不拘遠近棄之切忌向閉肚之方也

體元子借地法呪曰東借十步 西借十步 南借十

步 北借十步 上借十步 下借十步 壁方之中
四十餘步 安產借地 恐有穢污 或有東海神王或有
西海神王 或有南海神王 或有北海神王 或有日遊
將軍白虎夫人 遠去十丈 軒轅招搖 舉高十丈 天符
地軸入地十丈 令此地空閑 產婦某氏安居 無所妨
礙 無所畏忌 諸神擁護 百邪逐去 急急如律勅

禁草法 鋪草及氈褥 訖咒曰 鐵鐵湯湯 非公所當 是王
一言得之 銅一言得之 鐵子母相生 俱茂鐵急急如

律令

禁水法與產時貯水呪曰 南無三寶水 水在井中

為井水 水在河中為河水 水為器中為淨水

水在法中為真水自知非真莫當真水

以淨持濁 以正治邪 日遊月煞 五土將軍

青龍白虎 朱雀玄武 招搖天狗 軒轅女媧

天吞地吞 懸尸閉肚 六甲禁諱 十二神王

土符伏神 各安所在 不得動靜 不得忌干

若有動靜 若有忌干 施以神呪 當攝汝形

阿佉尼阿 毗羅莫多梨婆地梨沙訶

產前將護法

按諸家產論云凡產婦入月切忌飲酒恐產時心神昏亂臨產之時不可令傍人喧擾大小忽忙虛致驚動產母祇可令熟事產婆及穩當謹卓老成親密三兩人扶持產母初覺腹痛且宜任意坐卧勉強飲食恐致臨產氣力虛羸若腹痛漸甚唯且熟忍仍可按

節次漸服滑胎榆白皮散一二服服藥之法慎勿太早須得其時又傍人不得逼迫且須令人扶策徐徐而行若行步稍難即凭物而立須臾扶策再行直至腹痛連腰相引作陣痛頻即服催生丹一服更且勉強扶行陣痛轉甚難以立認是產時將至即服催生符畢然後安詳上草上草之時慎勿傷早若太早則子在腹中難以轉又須仔細體候直待兒逼欲生然後令抱腰而抱腰之人不得傾斜則兒得順其理自


然易產也又有卧產者亦待卧定背平着席體不偃
曲則子不失其道苟或不能依此節適必致產難縱
或幸免必須變生諸疾

產後將護法

按經云婦人非止臨產須憂至於產後大須將理慎
勿以產時無他乃縱心恣意無所不犯犯時微若秋
毫感病重于嵩岱且纔得分娩切忌問是男是女看
血之多少隨即服治血暈藥良久喫粥服四順理中

九便令人從心下按至臍腹日五七次若有疾證即
隨證服藥粥藥相間頻頻服餌且宜閉目而坐背後
倚物左右看承常令直立兩膝雖時眠睡頻令喚覺
過一復時方得上牀亦須立膝高搯牀頭厚鋪褥褥
遮圍四向室塞孔隙恐遇賊風一臘之內常聞醋烟
以防暈悶一臘之後漸加滋味或以羊肉及雌雞煮
取濃汁作糜粥直至百晷常服當歸丸當歸建中湯
四順理中丸日各一兩服以養藏炁補血脉兩臘之

後方得食糜爛肉食滿月之內尤忌任意飲食觸冒
風寒恣情喜怒梳頭用力高聲作勞工巧之類及上
廁便溺如此節養將攝以至百晷始得燕血和調臍
藏平復設不依此即致產後餘疾



太平惠民和劑局方卷九